



comp! H
with Western 63 9 7
comp! 1699 2
80.04

PERKINS LIBRARY

Duke University

Rare Books



MATHIAE

BREDEM BACHII

KERSPENSIS, APVD EMBRI-

CAM SCHOLAE MODERATORIS,

Apologia de eo, quòd quibusdā

vifusest, in suo de dissidiis in re-

ligione componendis libello,

acerbiùs in Martinum

Lutherum scri-

psisse.

HVIVS APOLOGIAE LVCE MI-

rificè illustratur illa componendorū dissidiorum

ratio: fugaturque, et evanescit umbra illa, quam

nuper lucifuga quædam Thessalis Erichtho, ab

inferis euocatam, in eundem Mathiam

Bredembachium incitavit.

COLONIAE,

Apud Maternum Cholinum,

Anno 1557.

*Epistolâ eâ quæ præfixa est secundæ
editioni libelli huiusce authoris, de
dissidijs in religione cõponendis, nun-
cupatur & hæc etiam Apologia Illus-
trissimo principi ac Duci Iuliacen-
si, Cluensi, Montensi, Comiti Mars-
chiæ, ac Rauenspurgi, Domino in Ra-
uenstein, &c.*

MATHIAE

BREDEMBACHII

KERSPENSIS, APVD EMBRI-

cam Scholæ moderatoris,

Apologia.



Vper, cùm de dissidiis
in religione ab aduer-
sario nostro & capitali
hoste diabolo, anno
ab hinc retrò quadagesimo exci-
tatis, atq; interea in immensum au-
ctis, inciperem scribere, & rationē
inuestigare, qua hæc tandem ali-
quādo post calamitates tã multas
atq; acerbis queant componi, nō
ignorabam, viri ac fratres in Chri-
sto Iesu mihi charissimi, quantam
rē aggrederer: & quā graue bel-
lum ego, dum vobis pacē studeo
comparare, cum hoste omnium
tetrissimo & crudelissimo susci-

A 2 perem

MATH. BREDENBACH.

Diabolus,
dissidiorū
author.

perem. Nam quemadmodum il-
le nihil aliud quærit iam tum ab i-
pso initio, quàm perniciem & exi-
tium generis humani: neq; igno-
rat, nihil nobis esse perniciosius
mutuis inter nos odiis atque dis-
sidiis: ideoq; ad hoc omnes suas
artes, dolos, conatus, & machina-
tiones explicat & versat assidue, ut
disscissa ac disturbata pace, illa in-
ter nos excitet: ita nullos homines
acerbius odit, & persequitur gra-
uius, quàm eos, qui sub illo Princi-
pe pacis domino nostro Iesu Chri-
sto militantes, ea quæ sunt pacis
publicæ, hoc est, salutis omnium
hominum, quærunt. In hos non
solum sua ipsius exacuit, vibrat, at-
que cōtorquet spicula: nec solum
suos immittit satellites, homines
perditos, inimicos crucis Christi:

Pacis & pa-
cificorum
hostis.

verumetiam miris quibusdam ar-
 tibus per effossos cuniculos in illo
 rû animos irrepit, qui alioqui non
 sunt mali, imò etiam amantes pa-
 cis, sed rerum ad pacem pertinen-
 tium imperiti, vt & hos commo-
 ueat aduersus sui amantissimos, &
 pro ipsorum pace atque salute vi-
 gilantes, excubantes, & cum ca-
 pitum suorum periculo depu-
 gnantes. His artibus nunc etiam
 me per astutias incredibiles ador-
 tus est: adeò vt etiam amicos me-
 os & proximos meos huc incita-
 uerit, vt aduersum me appro-
 pinquauerint ac steterint. Sed
 D E O Optimo Maximo laus,
 honor, victoria, & gloria, qui
 mihi tendiculas illius scelesti in-
 dicauit, atque rationem mon-
 strauit, vt illum suis retiis &

Artes &
 versutias
 diaboli.

Incidit in
foueā quā
fecit.

laqueis capturus sim, & quemad-
modum olim Hercules Cerberū,
in omnium conspectum protra-
cturus. Attendite, quæso, viri fra-
tres, & precipite, quos ille verſet do-
los, quos poſuerit laqueos, quæ re-
tia tetenderit: & quā dolofam
ad hæc apprehenderit occaſionē:
atque magna cum voluntate ve-
ſtra videbitis hæc omnia in illum
ipſum ſceleſtum conuerſa, illum
ſuis ipſius laqueis mirabiliter irre-
titum & captum. Scripſi in meo
de diſſidiis componendis libel-
lo inter cætera de Martino Lu-
thero, per quem crudeliſſimus il-
le ſic diſturbauit Eccleſiæ pacem,
hæc verba: Hac ſica adhuc graſ-
ſatur in terris, cū ipſe ardeat a-
pud inferos. Ex hoc verbo arri-
puit occaſionem malignus ille,
exci-

Locus in
calumniā
raptus.

excitandi in me, non solum suos
satellites, apertos hostes, verum-
etiam ex amicis meis viros bonos
ac simplices, vt putarent me hîc
grauiter peccasse aduersus illud Matth. 7.
præceptum Domini, Nolite iu-
dicare, & non iudicabimini: no-
lite condemnare, & non con-
demnabimini. Et aduersus il- Eccle. 7.
lud, Mortuo non prohibeas gra-
tiam. Sed Deus excæcauit illum
perditum, vt non videret, quàm In ipsum
calumnia
torem cõ-
uersus.
commodam mihi hic daret occa-
sionem docendi simplices illos &
imperitos, quæ sit illorum ver-
borum genuina sententia: & quid
ipsi debeant sentire de Luthero:
& quomodo iudicare de omni-
bus illis, qui factis Lutheri similia
perpetrauerint. Quibus omni-
bus mirum in modum illustrabi-

tur illa profligandi illum dissidiorum authorem hostem : atque dulcissimam Ecclesiæ pacem recuperandi ratio , quam in meo illo libello demonstraui . Quod ad verbum Domini attinet , quod ait , Nolite iudicare , nequaquam ea fuit sententia Christi , vt nobis omnem potestatem iudicandi , etiam de illis , quæ manifesta , & nobis perspecta sunt , adimeret : sed vt moneret , ne iudicaremus temere , condemnantes ea quæ nescimus , quo animo , qua causa , & in quem finem fiant : cū iustissimis da causis in optimum finem fieri queant . Hanc eius fuisse & esse sententiam , nobis vel vnus Augustinus luculentissimis verbis , atque adeo latè explicuit ac demonstraui libro 2 . de sermone

Nolite iudicare,
quomodo
intelligen-
dum.

Do-

Domini in monte, admonens
in primis obseruare, ex qua occa-
sione dixerit illa Dominus. Nā
cū in fine capitis sexti dixisset,
Nolite ergo solliciti esse in crasti-
num, &c. ne quis hæc peruersa
superstitione interpretando con-
demnet eos, qui iustis laboribus
comparāt, & frugali prudentia cō-
seruant, vnde se ac liberos suos
sustinent, & egenis incidente
necessitate succurrant, quasi hæc
vetuerit hoc præcepto dñs: ne q̄s,
in q̄, sic interpretaretur dictū, sta-
tim subiecit, Nolite iudicare, &
non iudicabimini: nolite condē-
nare, & non condemnabimini:
Hoc diuus Augustinus cōfirmat
his verbis: Hoc loco nihil aliud
nobis præcipi existimo, inquit,
nisi vt ea facta, quæ dubiū est quo

A 5 animo

Quæ du-
bia, in me-
liorē par-
tem inrer-
pretanda.

1. Cor. 5.

animo fiant, in meliorem partem
interpretemur. Quod enim scri-
ptum est, Ex fructibus eorum co-
gnosceitis eos: de manifestis dictū
est, quæ non possunt bono animo
fieri: sicut sunt stupra, vel blasphem-
iæ, vel furta, vel ebrietas: & si
qua sunt alia, de quibus nobis
iudicare permittitur, dicente A-
postolo, Quid enim mihi de his
qui foris sunt iudicare? Nōne
de his qui intus sunt vos iudica-
tis? De genere autem ciborum,
quia possunt bono animo, & sim-
plici corde sine vitio concupiscen-
tiæ, quicumque humani cibi indif-
ferenter sumi, prohibet idem Apo-
stolus iudicari eos, qui carnibus
vescebantur, & vinum bibebant,
ab eis qui se ab huiusmodi alimen-
tis temperabant. Qui manducat,
inquit,

inquit, non manducantem non
 spernat: & qui non manducat, Rom. 14.
 manducantem non iudicet. Ibi
 etiam ait: Tu quis es qui iudicas
 alienum seruum? Domino suo
 stat aut cadit. De talibus enim re-
 bus, quæ possunt bono animo &
 simplici & magnanimo fieri, quã-
 uis etiam possint non bono, vole-
 bant illi cum homines essent in oc-
 culta cordis ferre sententiam, de
 quibus solus deus iudicat. Ad hoc
 pertinet etiã illud, quod alia loco
 dicit, Nolite ante tempus iudica-
 re, quousq; veniat dominus, qui &
 illuminabit abscondita tenebrarũ,
 & manifestabit cogitationes cor-
 dis: & tũc laus erit vnicuiq; à Deo.
 Sunt ergo quedã facta media, quæ
 ignoramus quo animo fiant: quia
 & bono & malo fieri possunt, de
 qui-

1. Cor. 4.

quibus temerarium est iudicare;
 maximè vt condemnemus. Ho-
 rum autem veniet tempus, vt iu-
 dicentur, cùm Dominus illumi-
 nabit abscondita tenebrarum, &
 manifestabit cogitationes cordis.
 Hæc ibi August. ex quibus multa
 discere possumus, omni loco ac tē-
 pore vtilissima. Nostrâ hac, eheu
 nimium turbulenta tempestate,
 videmus quàm plurimos, qui nō
 solùm delectum ciborum ab Ec-
 clesia ieiuniorū tēporibus præscri-
 ptum, verumetiam ipsa ieiunia in
 vniuersum repudiant: idq; adeò
 nulla necessitate, nèpe quòd pro-
 pter vel imbecillitatem corporis,
 vel grauitatem laborum, vel alias
 ob causas legitimas ea ferre non
 possint: sed ex mera contumacia,
 etiam in contumeliam Ecclesiæ
 palàm

In ieiunio-
 rum cōcē-
 ptores.

A P O L O G I A .

palàm vescientes carnibus illis diebus, quibus id vetuit Ecclesia: aliis autem diebus, quibus non ieiunat Ecclesia, vescuntur piscibus. Hoc certè pessimo faciunt animo: ideoque non effugient iudicium Dei. Alii verò vescuntur illis, quibus sentiunt sibi opus esse pro ratione valetudinis suæ, idque ex consilio vtriusque medici, vt dici consuevit, exponentes pastores animarum, sub quorum cura viuunt, necessitatem suam, atque huius rei pacem ab illis tantquam præpositis suis petentes. Hi adeò non peccant, vt etiam laudem mereantur, tum propter obedientiam, qua agnoscunt suos præpositos, iuxta præceptum Apostoli Heb. 13. tū ppter rectū de deo patre nostro, & Ecclesia sponsa eius

Quibus rationibus quibuslibet uescendum.

eius, nostra matre, iudicium:
 intelligentes & agnoscetes,
 hanc ex voluntate sponsi, in spi-
 ritu sancto ordinavisse ita de ieu-
 niis & constituisse, non ad per-
 niciem, sed ad salutem filiorum
 suorum, scientes idem sentien-
 dum esse de ieiuno, quod Do-
 minus dixit de Sabbatho. Sabba-
 thum, inquit, propter hominem
 factum est, & non homo prop-
 ter sabbathum. Hoc rectum de se
 ac sponsa sua Ecclesia iudicium
 Deo gratissimum est. Nos autem
 si tempore ieiunii fortè incida-
 mus in aliquē, qui aliis vescatur
 q̄ habeat statutū Ecclesiæ, neque
 sciamus qua de causa ille hoc fa-
 ciat, utrū quòd cōtēnat mādātū
 Ecclesiæ, quod Salomō vocat le-
 gem matris despicere, an quòd
 pro-

AEquitas
 Ecclesiæ
 in mandā
 do ieu-
 nia.

Mar. 2.

Qua pru-
 dentia v.
 tendū, cū
 videmus
 aliquos ve-
 sci contra
 statutum
 Ecclesiæ.

propter occultas causas, puta imbecillitatem corporis, aut simile aliquid opus habeat ita facere, iam charitas Christiana, tam ergo Deum patrē nostrum, & mandata eius, atq; Ecclesiam matrē, & huius legem, q̄ erga proximum nostrum, quem vespcentem videmus, postulat, vt neq; temerē iudicemus, seu condemnemus vespcentē, neq; quod facit temerē approbemus; sed nisi aliud recta ratione suadeant circumstantiæ, verecundē, placidē, & modestē significatio dāda est, siue ciuili aliquo, & charitatem redolente verbo, siue vultu non ad hostilem iracundiam, sed amicum dolorem composito, siue quacunq; ratione alia id pro conditione nostræ illiusq; personæ, cæterarūq; circumstantiarum,

rum, commodissimè fieri poterit, nobis non placere vim fieri mandato Ecclesiæ: & quod videmus, nos non sine dolore videre, donec rationem eius intellexerimus. Quonostro dolore animaduerso si ille motus, vltro nobis rationem facti sui aperiat, petens ne quid offendamur suo cibo: quò ratione valetudinis suæ ex consilio medici, aut etiã suo ipsius experimento, & cum pace sui pastoris vescatur: iam possumus etiam liberè laudare quod facit, & exhortari, vt in illa sana rectaque sententia persistans, ea quæ sibi sunt salutaria facere pergat. Nam quod Apostolus Paulus scribit Romanorum 14. Is qui manducat, non manducantem non spernat: & qui non manducat, manducantem

Locus Epi
stolę ad Ro
manos in
terpretat'

ducantem nō iudicet, id nihil per-
tinet ad eos, qui vel manducant,
vel non manducant contra præce-
ptum Ecclesiæ de ieiuniis: sed ad
illius temporis Christianos, quo-
rum plurimi erant in ea sententia,
vt putarent non decere hominem
Christianū tantum indulgere car-
ni suæ, vt eā lautioribus cibis ac po-
tibus, quales sunt carnes & vi-
num, pascerent. Vnde Timotheus
erat admonendus à Paulo, vt pro
aquæ potu, modico vino utere-
tur: & sancta illa martyr Blandi-
na apud Eusebium libro 5. Histo-
riæ Ecclesiast. cap. 1. per quæstio-
nes torta vt confiteretur christia-
nos vesci in suis sacris infantum vi-
sceribus, respondit: quid putatis,
ô viri, infantum visceribus vesci
eos, qui ne mutorum quidem a-

B nima-

MATH. BREDENBACH.

nimalium carnibus vescuntur? Ex
quorum sententia etiam Prudētius
in hymno ante cibum scripsit,
Absit enim procul illa fames,
Cædibus ut pecudum libeat
Sanguineas lacerare dapes.
Sint fera gentibus indomitis
Prandia de nece quadrupedum.
Nos oleris coma, nos siliqua
Fæta legumine multimodo
Pauerit innocuis epulis.

Qui hac religione à carnibus, vi
no, ceterisq; lautitiis abstinebant,
hos Paulus non vult sperni ab illis,
qui quibuslibet vescebantur: neq;
eos qui vescebantur, ab his qui per
religionem abstinebant, iudicari.
Sic etiamnum nos, qui libertate
Christiana utentes, vescimur car
nibus (extra ieiuniorum duntaxat
dies) non spernimus, sed vene
ramur

ramur etiam religiosos monachos, & yirgines monachas, in monasteriis suis perpetuò à carnibus abstinentes: neque illi nos iudicant libertate nostra vtentes. Nihil itaq; illa verba Pauli, ac ne Domini quidē verba quæ, sunt apud Euangelistam de non iudicando, pertinent ad Ecclesiæ statuta, de ciborum delectu temporibus solennium ieiuniorum indicto. Vnde ^{Per contumaciā vescētes,} si ille quem nos (vt paulò antè diximus) vetitis vescentem prehenderimus, gloriatur etiam in facto suo, & per ludibrium nos ad vescendum secum inuitans, conuitiis eos incessat, qui ieiunandi leges præscripserunt populo Dei, & superstitiosos papistas appellet eos, qui illorum legibus obtemperāt, iam ipse prodit animi sui mali

tiam: ideoq; recto & iusto iudicio
factum illius iudicare & condem-
nare possumus, imò etiam debe-
mus. Quod nisi fecerimus, parti-
cipes efficiemur peccati illius. Cor-
ripiendus est enim iuxta præce-
ptum domini, principio inter te
& ipsum solum: deinde, si te recu-
sauerit audire, adhibito vno vel
duobus. Quòd si etiam hos audi-
re noluerit, deferendus est ad Ec-
clesiam. Hanc porrò si contempse-
rit audire, iam per omnia iudica-
bis, & cõdemnabis eum tanquàm
ethnicum & publicanum. Hęc est
doctrina domini manifesta apud
Euangelistam Matthëum. Et Pau-
lus Apostolus grauissimè præcipit
suo Timothæo, dicens, Peccantes
coram omnibus argue, vt & cete-
ritimorem habeant. Idem in eo-
dem

Matt. 18.

1. Tim. 5.

dem capite: Quorundam hominū peccata manifesta sunt, inquit, præcedentia ad iudiciū: quorundā autem sequuntur. Manifesta ea dicit (inquit Augustinus) de quibus clarum est, quo animo fiant. Hæc præcedūt ad iudicium, id est, quia si fuerit ista subsecutum iudicium, non est temerarium. Subsequuntur autem illa quæ occulta sunt, quæ nec ipsa latebunt tempore suo. Sic & de bonis factis intelligendum est. Nam ista subiungit: similiter & facta bona manifesta sunt: & quæcunq; aliter se habent, abscondi non possunt. De manifestis ergo iudicemus: de occultis verò Deo iudicium relinquamus: quia & ipsa abscondi nō possunt, siue mala siue bona, cum tempus aduenerit, quo manifestetur.

De manifestis iudicandum.

tur. Ita D. Augustinus edisserit nobis præceptum illud Domini, Nolite iudicare. Idem in libro expositionis quarundam propositionum ex Epistola ad Romanos, propositione 79. ita scribit: Quod autem dicit, Tu quis es qui iudicas alienum seruū? ad hoc dicit, vt in his rebus quę possunt & bono animo fieri, & malo, iudiciū Deo dimittamus, nec audeamus de alterius corde, quod nō videmus, ferre sententiā. In his verò rebus, quę ita comprehenduntur, vt eas bono & casto animo non posse fieri manifestum sit, non improbatur si iudicemus. Itaque hoc quod de cibus dicit, quia ignoratur quo animo fiat, non vult nos esse iudices, sed deū, de illo autē nefario stupro, vbi vxorē patris sui quidā habuerit,

rit, præcepit debere iudicari. Nō enim poterat ille dicere, bono animo se tam immane flagitiū cōmisse. Ergo quæcunq; facta ita manifestātur, vt nō possit dicere, Bonο aīo feci, iudicāda sunt à nobis: quæcunq; aut ita fiunt, vt quo aīo fiant incertū sit, nō sunt iudicāda, sed seruanda iudicio dei, sicut scriptū est, Quæ occulta sunt, deo: quæ autē palām sunt, vobis & filiis vestris. Hęc ibi tam luculenter & grauius Augustinus, vt ego iam admiraturus sim, si quis tam sit cæcutientibus oculis, vt non videat, quàm nihil illud præceptum Domini pertineat ad me, de vita atque doctrina Martini Lutheri meam sententiam pronunciantē: cuius tum flagitiosissima vita, tum pestilentissima dogmata iam

De sceleribus Martini Lutheri, quòd hæc toti mundo

MATH. BREDENBACH.

sunt nota, nihil
prohibet
iudicare,
presertim
cum iam
sint con-
demnata.

per tot annos toti mundo inno-
tuerunt: atque à tam multis do-
ctissimis, probatissimis, adeoque
sanctis viris: imò ab omnibus aca-
demiis, in quibus modò prisca il-
la, antiqua, & verè Christiana Ec-
clesiasticaque doctrina retinetur,
sunt condemnata. Quinetiam
condemnavit illum vnà cum do-
ctrina sua, summus Ecclesiæ pa-
stor, & ordinatione ipsius Christi
supremus in terris iudex Leo Pon-
tifex, eius nominis decimus, iudi-
cio publico, non sua vnus, sed
totius Senatus Cardinalitii, pluri-
morum Episcoporum, aliorum-
que doctissimorum virorum sen-
tentiis. Quæ cōdemnatio recepta
& approbata est ab Imperatore
Carolo Quinto, ac toto Imperio
Noribergæ in Comitiiis Anno sa-
lutis

lutis 1520. Deinde etiam à generali
Concilio Tridentino Illi sunt qui
condemnauerunt Lutherū. Quo-
rum sententiam si ego secutus il-
lum pro cōdemnato habeo, & in
ea condemnatione sine resipiscen-
tia poenitentiaq; mortuum, apud
infernōs ardere credo, an idcirco
pecco aduersus præceptum illud
domini, Nolite iudicare? Obsecro
te Christiane lector, expende mi-
hi hæc æquo, sapiēti, ac recto iudi-
cio, vtrum ille qui ratū habet iudi-
cium eorum, qui sedent in illis ca-
thedris ac tribunalibus, qui iuxta
ordinationem ipsius filii Dei do-
mini nostri Iesu Christi supremū
locum in ciuitate dei obtinent, &
quibus ipse filius Dei dixit, Qui
vos audit, me audit: vtrum is, in-
quam, qui horum iudicium ra-

Non q cō
demnant.
sed qui ab
soluit Lu-
therum,
peccāt ad-
uersus p-
ceptū de
non iudi-
cando.

tum habet, peccat aduersus illud,
 Nolite iudicare: an illi potius, qui
 cum nullam habeant authenticam
 cathedram, nullum legitimū tri-
 bunal, nullam ordinariā potesta-
 tem iudicandi, præsertim in tali-
 bus causis, tamen per seditiosam
 quandam cōtumaciam absoluūt,
 imò etiam præmio & honore di-
 gnū iudicant eum, qui propter plu-
 rima, enormia, eademque toti
 mundo nota crimina, codēnatus
 est ab illis tot atq; tantis iudicibus
 ordinatione diuina ad iudicādum
 constitutis: eaque ratione & con-
 tumaci suo facto, ipsi semetip-
 sos constituunt iudices illorum,
 quorum iudicio ipsi ordinatione
 diuina subiecti sunt, iudicium sibi
 fumentes in suos iudices, imò ve-
 rò (quod rectè admonet. Diuus

Cyprianus) in ipsum Deum, qui Epistola,
lib. I.
iudicia hæc ordinauit. Vtrum, in-
quam, hi peccant aduersus præce-
ptum Domini de non iudicando,
an ille, qui illorum, quos deus con-
stituit iudices, iudicio, atq; in hoc
ipso ipsius Dei iudicio acquiescit,
præsertim cum videat illorum iu-
diciū tot rationibus & scripturis
irrefutabilibus, atque illius quem
illi suo iudicio condemnauerunt,
tot atq; tam manifestis tum vitæ
tum doctrinæ peccatis comproba-
ri? Quid autem dicemus, quod eti-
am ipsa tota Ecclesia Dei catholi-
ca in Oecumenicis cōciliis ea quæ
fecit ac docuit Lutherus, iam an-
te multa secula condemnauit:
condemnauerunt ipsi Prophetæ
& Apostoli: condemnauit in his
omnibus Deus ipse per spiritum
suum,

Tota Ec-
clesia con-
demnauit
Lutherū.

MATH. BREDENBACH.

Frustrà
speratur
pax, dum
toleratur
doctrina
Lutheri,
ipso Lu-
thero te-
ste.

suum, qui semper in talibus iudi-
cibus loquitur, eorum iudicia gu-
bernans: ne videlicet non satisfiat
promissioni, quā fecit in Deutero-
nomio, dicens, Qui iudicabunt ti-
bi iudicii veritatem. Hęc si non sa-
tis in meo illo libello de cōponen-
dis dissidiis demonstravi, demonstra-
bo hic copiosius & abundantius.
Est enim hoc omnino cognitu ne-
cessarium. Impossibile enim est,
vnquam fieri pacem in Ecclesia,
nisi Lutherō cum sua doctrina nō
solum cognito & condemnato,
verumetiam penitus extirpato.
Hoc si mihi nō creditur, credatur
Luthero ipsi, scribenti ad Philip-
pum Melanthonem in epistola
consolatoria, cum hic esset Augu-
stæ in comitiis, Anno salutis 1530.
vt lib. 7. commentariorum refert

Ioan-

Ioannes Sleidanus. Ibi hæc sunt
 ipsius Lutheri verba, Quod ad cō-
 ciliationem attinet, frustra spera-
 tur: Nec enim nos Pontificem lo-
 co deturbare possumus, neque ve-
 ra doctrina, saluo Pontificatu in-
 columis esse potest. Hic verissima
 est eius propositio, qua dicit fru-
 stra sperari conciliationem. Im-
 possibile enim est Lutheri doctri-
 nā tot modis hæreticam & impiā,
 cum doctrina Ecclesiæ catholicæ
 conciliari. Ratio verò, quam ille
 subiungit bipartitam, priori sua
 parte etiam vera est. Quamdiu e-
 nim in his terris erit Ecclesia, tam
 diu erit in ea Pontifex.

Hūc neq; Lutherus, neq; vllus
 hæreticus deturbare poterit. Neq;
 enim potest esse aut fieri irritum
 verbum domini, quo dixit: Tu es
 Petrus

Matth. 16.

Petrus: & super hanc petram ædificabo Ecclesiam meam. Et illud, Ego autem pro te oravi, vt non deficiat fides tua. Altera autem parte, qua dicit, neque vera doctrina saluo pontificatu incolumis esse potest, falsa est. Potuit autem & hæc vno duntaxat verbo permutato fieri vera, si pro eo quod dixit, vera, dixisset, nostra, suam videlicet doctrinam significans. Nam ad hoc ipsum Christus instituit pontificatum, vt explodatur doctrina falsa: vera autem incolumis conseruetur. Atque huius, cæterorumque quæ ad conseruandam pacem & vnitatem in Ecclesia pertinent, gratia, vult pontificatum permanere in ipsa Ecclesia, vsque ad consum-

mati

mationem seculi. Et portæ inferi, inquit, non præualebunt aduersus eam. Hac ratione ego inductus, cum de componendis in religione dissidiis instituerem scribere, in primis necessarium esse iudicavi, demonstrare, qualis tum vita, tum doctrina fuerit illius hominis, qui nobis dissidia hæc excitauit: vt his cognitis & profligatis, locus detur paci & concordie constituendæ. Quemadmodum enim impossibile est, in ea Republica constare pacem, in qua tolerantur seditionum authores, qui etiam ex professo concitant imperitam plebem aduersus Consulem atque vniuersum Senatū ciuitatis: aut in ea domo, in qua faber aliquis aut fossor insurgit

git aduersus Oeconomū domus,
 cui peregre proficiscens paterfami-
 lias commendauit curam & gu-
 bernationem domus atque totius
 familiæ: ita nullo modo fieri po-
 test, vt pax fiat in Ecclesia, dum illi
 tolerātur in ea, qui seditiosa doctri-
 na concitant populum aduersus i-
 plius Ecclesiæ summum pastore,
 & vniuersum illū ordinem, cui gu-
 bernatio eius diuinitus est com-
 mendata. Tales itaq; in primis ne-
 cessariū est iudicare, & cum sua do-
 losa seditiosaque doctrina ita de-
 scribere, vt ab omnibus cognoscā-
 tur. Quinetiam illorum finem de-
 monstrare necessarium est, vt alii
 videant & extimescant, formi-
 dentque patrare similia. Contur-
 bati sunt omnes qui videbāt eos,
 inquit Propheta Dauid, & timuit
 omnis

omnis homo. Et annunciauerunt opera Dei: & facta eius intellexerunt. Eiusdem iustitiæ est, benè merentes de republica ciues præmiis afficere, & euerfores reipub. suppliciis. Eiusdē incredulitatis & impietatis est, non credere Deo minanti supplicia impiis, & nō credere eidē promittenti præmia piis. Est aut̃ disertissimis verbis expressa sententia Domini, Ioānis quinto. Et procedent qui bona fecerunt, in resurrectionē vitæ: qui verò mala egerunt, in resurrectionē iudicii. Et Matthæi 25. Et ibunt hi in supplicium æternum: iusti autem in vitam æternam. Et apud eundem 13. Colligite primùm zizania, & alligate ea in fasciculos ad comburendum. Et Ioannis 15. Si quis in me non manserit, mitte-

C

tur

MATH. BREDENBACH.

tur foràs sicut palmes, & arefcet: & colligent eũ, & in ignẽ mittent, & ardet. Ecce quid clarius his verbis dici potest? Quinõ manet in Christo, mittetur foràs: præterea in ignẽ, & ardet. Quid est non manere in Christo? Quid aliud, quã non esse viuum & efficax membrum corporis Christi, quemadmodum palmes viuus ac fructifer ramus vitis? Quid autem aliud est corpus Christi, quàm Ecclesia dei Catholica, cuius ipse est caput? Nõne hæc est caro eius? Nos autem sumus membra corporis eius, de carne eius, & de ofsibus eius, inquit ad Ephesios Apostolus. Qui igitur manet in Ecclesia, is manet in Christo: & qui in Ecclesia operatur bonum, is est palmes fructifer, dignus purificatione, vt copiosiore

In Christo
manere
quid.

Eph. 5.

fiorem fructum proferat. Qui vero vel seipsum per hæreticam schismaticamq; doctrinam ab hac separat, vt faciunt omnes hæretici & schismatici: vel qui propter flagitiosam vitam per eos qui clauēs habent, ab ea excluduntur, quem admodum Corinthius ille 1. Corinth. 5. (tametsi tales quidem nō sine misericordia abscindit pietissīma mater Ecclesia: sed potius ad poenitentiam eos inuitat, tradens eos Satanæ ad interitum carnis, vt spiritus saluus sit in die Domini nostri Iesu Christi, exemplo sponsi sui non optans mortē peccatoris, sed vt cōuertatur & viuat: resipiscentes autē & reuertentes in gratiam recipit, vt Paulus illum 2. Corinth. 2) vel per acediam nullū fructum ferunt, vt ipse pater cœlestis,

lestis, tanquàm industrius agricola, eos tanquàm inutiles palmites amputet ac tollat, hi non possunt manere in Christo. Quid igitur aliud restat, quàm vt resecti à vite, & collecti in fasciculos, mittantur in ignem & ardeant? Arca Noë quid aliud erat, quam typus Ecclesiæ Dei? Satis hoc indicat ille Princeps Apostolorum Petrus, & multis locis explicat Augustinus, & alii quàm plurimi. Quemadmodum igitur necesse erat perire omnes, qui non erant in illa arca, ita necesse est perire omnes, qui non manent in Ecclesia. Hinc est quod in libro de fide ad Petrum diaconum cap. 38. firmissimè credendū, nec vlla ratione dubitandum esse affirmat, non solum omnes paganos, sed etiam omnes Iudeos, hæreticos

Extra Ecclesiā nulli speranda salus.

1. Pet. 3.

reticos atq; schismaticos, qui extra Ecclesiam catholicam hanc finiūt vitam, in ignem æternum ituros. Et capite sequenti, eadem constātia affirmat, quemlibet hæreticū siue schismaticum in nomine patris & filii & spiritus sancti baptizatum, si ecclesiæ catholicæ non fuerit aggregatus, quantascunque eleemosynas fecerit, et si pro christi noīe etiā sanguinē fuderit, nulla tamē ratiōe posse saluū fieri. Quòd si quis obiiciat, eum librum non esse Augustini, cum hoc nihil opus est contentionem suscipere ad cōfirmandum id quod hic agimus: cum in aliis libris quàm plurimis, qui extra omnem controuersiam sunt eius, eandem sententiam defendat. Sed adeò nobis ubiq; sunt obuia de hac re tum ipsius scriptu-

ræ diuinæ, tum sanctorum Patrū
 testimonia, vt ne ipsi quidem ad-
 uersarii audeant negare, extra Ec-
 clesiam nemini sperandam esse sa-
 lutem. Apologiæ confessionis Au-
 gustanæ hæc sunt verba: Neque
 verò promissio salutis pertinet ad
 illos, qui sunt extra ecclesiam chri-
 sti. Idcirco hac quidem parte in-
 ter nos conuenit: in controuer-
 siam autem subit, quæ sit Eccle-
 sia vera. Hanc enim nos nobis,
 isti verò sibi vendicant. Atque
 hæc iam tanta est controuersia, vt
 vix integro volumine videatur
 explicari posse. Nobis autē com-
 pendio est opus. Quanquam ve-
 rò in libello de componendis dis-
 fidiis nos ita eam descripsimus, vt
 non putauerimus, quemquā fore
 tam stupidum, qui ita descriptam
non

Que sit ve-
 ra ecclesia

non esset facilè agniturus, tamen
 cùm ea nos opinione falsos esse vi-
 deamus, studebimus hìc etiam cla-
 rius eam demonstrare. nam quod
 nonnulli somniant, eam esse inui-
 sibilem, illa est planè diabolicaper-
 suasio, qua tartareus ille hostis mi-
 feros in desperationem abducit,
 quasi nō possint inuenire eam, ad
 quam confugiant, vt salui fiant.
 Imò ciuitas est regis magni, cu-
 ius fundamenta sunt non in ob-
 scura aliqua valle, vt non possit
 videri aut inueniri, sed, vt de ea
 cecinit Daud, in montibus san-^{Psal. 86.}
 ctis, vt etiam ab alienigenis, Ty-
 ro, & populo Aethiopū videri, in-
 ueniri, & adiri possit. Non potest,^{Matt. 5.}
 inquit dominus, ciuitas abscondi
 supra montē posita. Abeant igitur
 isti quò digni sunt cū sua illa inui-

sibili Ecclesia. Nos credimus in Deum patrem, & in vnigenitum filium eius Iesum Christum, & in spiritum sanctum. Deinde credimus Ecclesiam sanctam catholicam, non occultam, & in obscuro aliquo angulo absconditā: sed super montem ædificatam, vt sit omnibus conspicua. Hanc nostri doctores nobis rudibus definiunt atque describunt hoc modo: Ecclesia est cunctorum Christifidelium congregatio: pro qua Christus in carne cuncta & fecit & pertulit, vt eam sanctificaret, teste Apostolo Ephes. 5. in qua vna est fides, vna cōcors & consonans fidei doctrina, eadem per totam hanc Ecclesiam sacramenta, eorundemq; eadem administratio: vnitas spiritus in vinculo pacis: in qua omnes

Ecclesie
definitio.

se tanquam vnius corporis membra, mutuis officiis sufferunt, idq; per charitatem, iuxta doctrinam Apostoli Ephes. 4. Charitatem, inquam, quod verbum Apostolus identidem repetit & inculcat. Charitas. Hæc enim est vinculum illud perfectionis, ac veluti neruus, quo solo membra corporis huius inuicē connectuntur. Charitas est, quam nemo extra Ecclesiam habere potest. Vnde diuus Augustinus contra Cresconium grammaticū lib. 2. cap. 13. dicit, baptismum quidem sacramentum esse nouæ vitæ ac salutis æternæ: sed quem multi habeant non ad vitam æternam, sed ad poenam æternā, non benè vten-
tes tanto bono. Charitatem verò sanctam, inquit, quæ est vinculum perfectionis, nemo potest habere

2. Cor. .13.

Toleran-
di mali.

nō bonus: nemo qui habet potest
esse vel schismaticus vel hæreticus.
Charitas authore Apostolo, om-
nia suffert, omnia credit, omnia
sperat, omnia sustinet. Neque alia
est ratio, quòd tam multi ab Ec-
clesia deficiunt, quàm quòd à cha-
ritate exciderunt. Nolunt tolerare
malos, quos semper ab initio mū-
di charitas tolerauit in ecclesia: atq;
ideo prætextu zeli iustitiæ segre-
gant se ab Ecclesia: & fiunt multo
sceleratiores illis, quorum scelera
negant se ferre posse in Ecclesia.
Audiant hi diuum Augustinum
in epist. 162. ad episcopos aliquot
Donatistarum ita scribentem: Et
obiiciuntur nobis, inquit, crimina
malorum hominum, non nostra;
sed aliena, & ipsa partim incogni-
ta: quæ si etiã vera & præsentia vi-
dere-

deremus, & zizaniis propter frumenta parcentes, pro vnitate toleraremus, nō solum nulla reprehensione, sed etiam non parua laude nos dignos diceret, quicunque scripturas sanctas non corde surdus audiret. Tolerat Aaron multitudinē idolū exigentē & fabricantem & adorantē. Tolerat Moyses aduersus Deum tot millia murmurantia, & totiēs offendentia sanctū nomen eius. Tolerat Dauid Saulē persecutorē suū, sceleratis moribus coelestia deferētē, magicis artibus inferna quærentem, occisum vindicat, Christū etiā domini propter sacramentum venerandæ vnctiōis appellat. Tolerat Samuel nefandos filios Heli, peruersos filios suos, quos popul⁹ quia tolerare noluit, diuina veritate accusatus, diuina seuerita-

seueritate correptus est. Tolerat denique ipsum populum superbum contemptorem Dei. Tolerat Esaias, in quos tam multa vera crimina iaculatur. Tolerat Hieremias, à quibus tanta perpetitur. Tolerat Zacharias phariseos & scribas, quales illo tempore fuisse scriptura testatur. Scio me multos prætermisisse, legant qui volunt, legāt qui possunt eloquia cœlestia, inuenient omnes sanctos Dei seruos & amicos semper habuisse, quos in suo populo tolerarent, cum quibus tamen illius temporis sacramenta communicantes, non solum non inquinabantur, sed etiam laudabiliter sustinebant, studentes, sicut ait Apostolus, seruare vnitatem spiritus in vinculo pacis. Attendant etiam post Domini ad-

Ephes. 4.

ni aduentum, vbi multo plura huius tolerantiae per totum orbem inueniremus exempla, si omnia scribi, & in authoritatem redigi potuissent: tamen hæc ipsa quæ habemus aduertite. Tolerat ipse Dominus Iudam, diabolum, furem, & venditorem suum: sinit accipere inter innocentes discipulos, quod fideles nouerunt precium nostrum. Tolerant Apostoli pseudoapostolos, & inter sua quærentes, non quæ Iesu Christi. Paulus non sua quærens, sed quæ Iesu Christi cum gloriosissima tolerantia conuersatur. Postremo, quod paulò antè commemorauimus, diuina voce laudatur sub angeli nomine præpositus Ecclesiæ, quod cum odisset malos, eos tamen tentatos & viuentes pro nomine

Apoc. 18

nomine domini tolerauit. Ad summam seipfos interrogent: Nonne toleratur ab eis cedes & incendia Circūcellionum, veneratores præcipitatorum vltro cadauerū, & sub incredibilibus malis vnius Optati per tot annos totius Africæ gemitus? Parco iam dicere singulorum per Africam regionem & ciuitatum & fundorum tyrannicas potestates, & publica latrocinia. Melius enim vobis hæc vos ipsi dicitis, siue in aurem, siue palam, sicut libitum fuerit. Quocunq; enim oculos verteritis, occurret quod dico, vel potius quod taceo: neq; hinc istos quosibi diligitis accusamus. Nō em̃ nobis displicet, q̃a tolerant malos, sed quia intolerabiliter mali sunt propter schisma, propter altare contra altare, propter separatio-

tionē ab hæreditate Christi toto orbe diffusa, sicut tãto antè p̃mis-
sa est: violatã pacē, conscissam vni-
tatē, iterata baptismata, exufflata
sacramēta, quæ in sceleratis quoq;
hominibus sancta sunt, plangim⁹
& lugemus. Quę si parui pendunt,
intueantur exēpla, quibus demō-
stratum est, quanti hæc pependerit
deus. Qui fecerunt idolum, vsita-
tã gladii morte perempti sunt: qui
verò schisma facere voluerunt, hia-
tu terræ principes deuorati, & tur-
ba cōsentiens igne consumpta est.
Diuersitate pœnarũ diuersitas ag-
noscitur meritorũ. Hęc ibi August.
Quē locũ idcirco integrũ affscripsi,
quòd in eo videre sit ad viuum eti-
am expressum exemplar corũ, quę
nostra Germania per hosce annos
perpessa est: quorum vtinã habea-
mus

mus finem. Vitia & peccata Curie Romanæ, aut etiam summorum pontificum quis vnquam vir bonus probauit? quis defendēda suscepit? imò quis non cum summo animi sui dolore vel vidit vel audiuit? Quā grauitē ea diuus ille Bernardus duabus illis concionibus, quas in libello de componendis diffidiis indicauimus, deplorat? Et tamen illos quantumuis malos, tolerandos nobis esse censet, dum tolerat illos Deus. Græcia noluit illos tolerare: & nunc cogitur tolerare Turcam. Expendamus obsecro, quāta per hosce quadraginta annos tolerauit nostra Germania, postquam incitata à Martino Luthero, recusauit tolerare regnum Pontificis, (sic enim istis placet appellare) Innumera miserorum rustico-

Exemplū
Græcorū.

Germaniæ

sticorum millia cęsa sunt, Clarissimi totius Germanię principes capti sunt. Quàm multi & quanti Principes in vno ciuili prelio ceciderunt? Quoties inter hęc omnia, dulcissima hęc patria nostra incendiis conflagrauit, & inundauit sanguine? Quæ verò nobis tot atque tantorum malorum extitit causa? Quæ alia, quàm quòd scelestissimi illius seditiosis persuasionibus decepti, nolimus imitari exēpla sanctorum illorū, quos illic nobis commemorat Augustinus, in tolerandis dispēsatoribus mysteriorū Dei, prætexentes interim zelū iustitię, & tamē interea summa cū iniustitia bonos pariter cum malis, iustos cū iniustis crudelissime persequētes, cum Domin⁹ noster Iesus Christus, cuius nomine tāto

Exemplū
ipsi⁹ Chri-
sti.

D

pere

pere gloriamur, cuius Euangelium tam inflatis buccis vbique crepamus atque iactamus, impios Pōtiffices, Caiapham, Annam, totumq; illud concilium tanta cum patientia tolerauerit, vt se etiam iniuftissimo illorum iudicio iudicandum permiferit? Quandiu stabat cathedra Moyfi, tamdiu voluit tolerari eos, qui in illa sedebant: neque tolerari tantum, verum etiam omnia quæ imperarent, fieri. Super cathedram Moyfi, inquit, federunt scribæ & pharisæi: omnia ergo quæcunque dixerint vobis, feruate & facite. Ea cathedra iam remota, erexit cathedram Petri, quem sibi fecit fuccefforem seu vicarium in pascendis ouibus fuis, hoc est, regenda Ecclesia. Quemadmodum igitur

Matt 23.

tur tunc capitale erat, ac scelus morte piandum, si quis superbiisset, nolens obedire sacerdotis imperio, (moriatur, inquit, homo ille, & auferes malum de Israël) ita certè iam crimè capitale est, & propter quod quis tanquam putridum membrum à corpore Christi rescandus est, & tanquam inutilis palmes à vite amputandus, si superbiens nolit obedire imperio illius sacerdotis, qui sedet in cathedra Petri. Vt enim ea quæ iam diximus de Ecclesia breuiter colligamus, cum hæc sit cunctorum Christi fideiū cōgregatio, ab ipso Christo sanctificata, in qua vna fides, vna cōcors & cōsonans fidei doctrina, eadē sacramēta, eorundēq; eadē administratio, vnitas spiritus in vinculo pacis, oībus se mutuò ferē

Deut. 17.

Ecclesiæ definitio repetitur, ad cōstituendū propositionē maiorem.

MATH. BREDENBACH.

tibus per charitatem, domus Dei,
 cui ipse Christus suū præfecit oeco-
 nomum, formans eū amplissimis
 promissis, si benè præsit: grauissi-
 mis autem minis territās, si malè,
 vt videre est Lucæ 12. Ouile Chri-
 sti, cui pastorem præfecit dicens:
 Pasce oues meas: Ciuitas Dei, cui
 præfecit cōsulem, dicens: Tibi da-
 bo claues regni cœlorum, addens
 huic senatum cum authoritate ple-
 nissima, dicens, Qui vos audit,
 me audit, & qui uos spernit, me
 spernit: cum, inquam, hæc sit ve-
 re Christi sancta & Catholica Ec-
 clesia, sponsa Christi, Qui habet
 sponsam, inquit, sponsus est: vna
 caro cum Christo, o sex ossibus
 Christi, columna & firmamen-
 tum veritatis: nonne qui hanc ta-
 lem deserit, huius fidem abnegat,
 huius

Ioan. 21.

Matt. 16.

Luc. 10.

Ioan. 3.

Eph. 5.

Gene. 2.

1. Tim 3

huius doctrinā impugnat, huius sacramenta contemnit, negat, & si qua ex eis agnoscit, eorum tamen administrationē nō dignā ab ipsa Ecclesia recipere, sed ipse sibi diuersam pro sua seditiosa libidine fingit, impiē detorquens eō dolosis interpretationibus diuinæ scripturæ verba: qui discisso vinculo pacis, & facto seditioso schismate, oeconomū domus, pastorem ouium, Consulem, & vniuersum Senatum ciuitatis plusquam hostiliter impugnat: qui hæc facit, vtrum ego hunc habebo pro palmitē vitis, an pro apro vastante vineam, & singulari aliqua fera depascente eam? vtrum pro membro corporis Christi, an pro Antichristo: vtrum in tantis sceleribus mortuum credā regnare in cœlo cū Chri-

Psal. 79.

sto, an apud inferos ardere cum Plutone? Metiamur quæso hac mensura, ad hanc regulam exigamus istum lapidem, & videamus, vtrùm magis conueniat ædificio ciuitatis Dei, an portæ infernalis, quæ militat aduersus hanc ciuitatem? Sed Deo gratias, qui promisit nobis victoriam, & scimus veracem esse in promissis, vt illa tartarea nihil possit aduersus hanc nostram cœlestem. Putabam me in priore libello satis demonstrasse scelera Lutheri.

Quando verò id ab istis non recipitur, experiamur denuò. Diximus, in Ecclesia DEI catholica esse vnam fidem, iuxta verbum Apostoli Ephes. 4. de eademque fide concordem consonantemque doctrinam, iuxta præceptum

Iacobi

Iacobi Apostoli. Nolite plures ^{Iacob. 3.} magistri fieri fratres mei. Magistros autem tunc plures fieri existimo, inquit Augustinus, cum diuersa, atque inter se aduersa sentiunt. Cum verò idipsum dicunt omnes, & verum dicunt, ab vnus veri magistri magisterio non recedunt. Quod quanti momenti sit in Ecclesia, intelligens Apostolus Paulus, ita scripsit ^{1. Cor.} ad suos Corinthios: Obsecro autem vos fratres per nomen Domini nostri IESV CHRISTI, vt idipsum dicatis omnes, & non sint in vobis schismata. Et ad Philippenses ^{2.} Implete gaudium meum, vt idem sapiatis, eandem charitatem habentes, vnanimis, idipsum sentientes, nihil per contentionem, neq; per inanē gloriā:

Psal. 132.

Attexitur
minor.

sed in humilitate superiores sibi in-
uicem arbitantes. Daud in Psal-
mo cecinit, Ecce quàm bonum &
quàm iucundum habitare fratres
in vnum. Sicut vnguentum in ca-
pite, quod descendit in barbam,
& c. His atq; aliis quàm plurimis
sacræ scripturæ locis commenda-
tur nobis vnitas fidei, atq; doctri-
næ concordia in Ecclesia Dei. Iam
verò, quàm longè hac parte reces-
serit ab Ecclesia Martinus Luthe-
rus, illi nouerunt, qui dogmata e-
ius contulerunt cum doctrina &
sententiis omnium Patrum, san-
ctorum doctorum, atq; totius Ec-
clesiæ iam tum ab ipsis Apostolo-
rum temporibus. Dixi, & iterum
iterûq; dico, inter illas notas, qui-
bus Ecclesia Christi differt ab An-
tichristi & malignâtium ecclesiis,
hanc

hanc esse vnam, eandemque præcipuam, quòd in Ecclesia Christi est vna fides, iuxta verbum Apostoli Ephes. 4. & vna doctrina, iuxta verbum eiusdem ad Philippē. 2. & 1. Cor. 1. vt id ipsum dicatis, & non sint in vobis schismata. Neq; hæc fides atque doctrina est noua, nuper inuenta, & per subdolas falsasq; diuinæ scripturæ interpretationes ab hominibus inquietis & seditiosis excogitata, & aliàs alia: sed antiqua, authentica, ab ipsis Apostolis Iesu christi accepta, iuxta verbum eiusdem Galat. 1. Sed licet nos, aut angelus de cœlo euangelizet vobis præterquam quod euāgelizauimus vobis, anathema sit. Et 2. Thessalon. 2. Itaq; fratres stete: & tenete traditiones quas didicistis, siue per sermonem, siue per

Fide vna.

Antiqua.

stolam nostram. Et eiusdem ter-
tio: Denunciamus autem vobis
fratres in nomine domini nostri
IESV CHRISTI, vt sub-
trahatis vos ab omni fratre am-
bulante inordinatè, & non se-
cundum traditionem, quam ac-
ceperunt à nobis. His atque hu-
iusmodi aliis multis commen-
dat nobis vnitatem fidei & do-
ctrinæ: & in hac ipsa virilem planè
grauitatem & constantiam: no-
lens nos fluctuare tanquam par-
uulos, & circumferri omni ven-
to doctrinæ, in nequitia hominū,
in astutia ad circumuentionem er-
roris. Vt autem in hac vnitatem fi-
dei, atque doctrinæ concordia cō-
stantes permanere possimus, tu-
ti atque securi ab omni errore
ac deceptione, Dominus noster
Iesus

Quib' mu-
nimentis
Deus vni-
tatem fi-
dei, ac do-
ctrinæ cō-
cordiam
munie-
rit.

Iesus Christus, cùm ipse iam ascen-
disset in coelum, dedit nobis suos
legatos & vicarios, à quibus eam
disceremus. Audi enim ad Ephe- Ephef. 4
sios scribentem Apostolum: Et
ipse dedit quosdam quidem Apo-
stolos, quosdam autem prophe-
tas, alios verò Euangelistas, alios
autē pastores & doctores, ad con-
summationem sanctorum, &c.
Atque hi sunt illi montes sancti,
in quibus fundamenta Ecclesiæ
suæ posuit Deus, teste Psalmogra-
pho, cùm ait: Fundamenta eius in
montibus sanctis, Psalm. 86. Hi
sunt, quorū labia iuxta Malachiæ Malach. 2
verbum, custodiunt scientiam, &
ex quorū ore iubet nos legē req̃re
re. Iā verò hi, quos ille nobis sic de Symbolū
Apostoli-
cum.
dit harū rerū doctores, summā to-
tius fidei redegerūt in admirabile
quod,

MATH. BREDENBACH.

quoddam compendium, duodecim articulis, verbis paucissimis, doctrinam omnium amplissimā complexi. Veruntamen sapienter & fideliter admonet nos Augustinus in lib. de fide & Symbolo Cap. 1. sub ipsis paucis verbis in Symbolo constitutis, plerosque hæreticos venena sua occultare conatos esse: quibus & resistit diuina misericordia, inquit, per spirituales viros, qui catholicam fidē non tantum in illis verbis accipere & credere, sed etiam Domino reuelante intelligere atque cognoscere meruerunt. Quamobrem nequaquā satis est ad probandum, quòd aliquis habeat vnā eandemque cum Ecclesia catholica fidem, si eadem hæc Symboli verba cum Ecclesia recitet. Hoc enim nostra hac ætate

ætate faciūt omnes illæ sectæ, quæ non solum ab Ecclesia catholica, sed etiam à se inuicem in fide magnopere dissentiunt. Vnitas fidei non in verbis, sed verborum virtute sita est. Qui hanc pariter intelligunt atque recipiunt, hi sunt, in quibus verè est vna fides. Hoc quo clarius intelligatur, percurramus Symbolum illud, & videamus, vbi Martinus Lutherus vim eius abnegarit, cum tamen professus sit verba. Septē prioribus articulis comprehenditur ea fidei pars, qua credimus in Deum patrem, & vnigenitum filium eius Iesum Christum. Videndum est itaque, quomodo in patrem & filium credat Ecclesia, & quid se horum beneficio credat consecutam. Nisi enim hoc agnito, in neutrum ve-

Vnitas fidei in quo sita sita.

Fides Lutheri ad regulā Symboli examinata.

Credere
in Deum
quid sit.

rè quis credere potest. Tametsi enim nonnunquam scriptura diuina hanc loquendi figuram, qua dicimus nos credere in Deum, non nihil laxare videtur, latiusque extendere, propriè tamen significat credendo amare, credendo diligere, credendo in Deum ire, & eius membris incorporari, authore Augustino in Euangelium Ioannis, tractatu 29. Is igitur verè credit in Deum patrem, & in vnigenitum filium eius Iesum Christum, qui non solum hoc credit, quòd pater genuit filium, verùm etiam quòd per hunc ipsum filium vti nouum Adamum, etiam nos homines, ex vetere illo Adamo infelicitè generatos, sibi regenerauit filios, nobis factus pater, nos hæreditatis regni sui cum illo

illo vnigenito faciens consortes,
 ex pditis recuperatos, ex mortali-
 bus, imò iā mortuis immortales,
 ex hoībus deos:& per hanc fidem
 amore accenditur rapiturq; tum
 in illum ipsum talem patrē, tum
 in vnigenitum illum filium, per
 quē hęc omnia perfecta sunt, tum
 in cæteros suos fratres, intelligens
 se iam in his ipsis amandis venerā-
 disq; ipsum patrem & filium
 eius vnigenitum amare ac vene-
 rari, iuxta illud, Amen dico vo-
 bis, quā diu fecistis vni de his fra-
 tribus meis minimis, mihi fecistis.
 Fides itaque Ecclesiæ Catholicæ
 hęc est, credere in Deum patrem
 omnipotētē, &c. hoc est, agnosce-
 re, quòd deus omnipotens sit pa-
 ter, nō solū illi⁹ vnigeniti sui filii, ve-
 rū etiā noster, & quod incōprehen-
 sibili

Matt. 23.

MATH. BREDENBACH.

sibili & inexplicabili quodā amo-
re nostri, pulcherrimam hanc cœ-
li terræq; machinam condiderit,
eandemq; ad nostram vtilitatem
& salutem gubernet. Quæ fides
mirabilem quandam beatissimā-
que securitatem & libertatem in
hominibus gignit, vtabiectis curis
ac sollicitudinibus huius mundi, to-
ti ferantur & absorbeantur in De-
um, scientes talem patrem nun-
quam permissurū esse, vt aliquid
rerum bonarum desit illis filiis,
quos tam inenarrabili amore cō-
plectitur. Hæc est illa fides, in qua
testimonium consecuti sunt ma-
iores illi, quorum longum catalo-
gum contexit Apostolus Hebr. ii.
& sine qua impossibile est placere
Deo, vt ibidem inquit. De hac fi-
de dicit Ioannes: Hæc est victoria
quæ

Obserua
hic, vnde
habeat o-
riginē su-
am inuo-
catio san-
ctorum.

1. Ioan. 5.

quæ vincit mundum, fides vestra. Quanta verò sit huius victoriæ dignitas, atque foelicitas, intelligere est ex eo quod ait in Apocalypsi, Qui vicerit, dabo ei sedere mecū Apoc. 3. in throno meo: sicut & ego vici, & sedi cum patre meo in throno eius. Ecce quæ potest esse dignitas maior in cœlo & in terra, q̃ cum rege ac Domino cœli & terræ sedere in regio illo throno, in quo ipse sedet, vnà cum Deo patre? Hæc fuit optimi illius patris voluntas optima, vt sic exaltaret eos, quos tartareus ille Satan malitiosis illis dolis suis deceptos, in extremas misérias deiecerat. Hæc etiam fuit optimi filii voluntas optima, vt seipsum ad hoc perficiendum impenderet. Vnde aditurus supplicium crucis, pro eis inuocat patrem,

E trem,

Ioan. 17.

MATH. BREDENBACH.

trem, inter alia multa sic dicens:
et pro eis ego sanctifico meipsum,
vt sint & ipsi sanctificati in veri-
tate. Et paulò pòst: Et ego cla-
ritatem quam tu dedisti mihi de-
di eis. Item: Pater, quos dedisti
mihi, volo vt vbi sum ego, & il-
li sint mecum. Hæc credere ita
à Deo patre, per vnigenitum eius
filium Iesum Christum esse perfe-
cta, est verè credere in Deum pa-
trem, et in Iesum Christum filium
eius vnicum. Hæc fides perducit
ad iustitiam: & huius confessio pa-
rit salutem, iuxta verbum Apo-
stoli, Corde creditur ad iustitiam,
ore autem cōfessio fit ad salutem.
Fides, inquam, qua credimus in
Deum patrem, tanta pro nobis
filiis suis operatum: & in Iesum
Christum filium eius vnicum, per
quem

quem hæc est operatus: confessio autem, qua hæc tanta beneficia confitemur, prædicamus, verbis, operibus, & quibuscunq; modis possumus celebramus. Propterea coelū & terram creauit pater, vt sic ditaret & exaltaret genus humanum. Propterea incarnatus est, passus est, & cetera quæ per ordinē præcurrūt in symbolo, opatus est filius. Hæc fuit illi omniū illorū causa, hic scopus, hic nobis tātorū operum fructus. Voluit induere naturā nostrā humanā, vt nos indueret natura sua diuina: voluit fieri hō, vt nos efficeret deos, nō iā ex sanguinib⁹, inq̃t Ioēs, neq; ex volūte carnis, neq; ex volūte viri, sed ex deo natos. Pro nobis paup fact⁹ est, vt nos bonis regni sui cœlestis ditaret, faciens nos hæredes patris

[Ioan. i.]

fui, suos autem cohæredes. Ea hæreditas iam quidem nobis parata est, nondum tamen eam nos qui adhuc peregrinamur in his terris, possidemus: sed per huius mundi desertum, per varias tentationum & ærumnarum afflictiones, ad eam pertendimus. Ad illos autem qui iam possident eam, qui victoria potiti, vna cū Christo in illo throno regio resident, assiduè clamus, vt nos suffragiis suis adiuuēt: vt subueniant nobis, quia credimus hoc illos iam posse, potentia hac illis per Iesum christum incarnatum, passum, rediuium, & ad dextram patris collocatum parata. Ecce, hoc est verè credere in Iesum Christum, natum ex Maria virgine, &c. credere quod sua natiuitate, passione, resurrectione, & ascen-

ascensione tantā dignitatem, gloriam, & potentiam comparauit electis suis: atque de his tantis beneficiis illum cum Deo patre, & spiritu sancto laudare, glorificare, cum gratiarum actione benedicere: & effusis ad illos ipsos quos ita exaltauit, precibus & hymnis, declarare nos nihil dubitare, sed firmissima fide tenere, quòd hæc ita se habeant, hoc est, ore confiteri fidem ad salutem. Iam quaero, utrū hoc sit nomen Christi obscurare, an illustrare? Credere, inquam, quòd genus humanum beneficio Christi sic deificatū sit: atq; hanc fidem inuocando & implorando patrocinium & auxiliū ita deificatorum declarare, hoc cinne est nomen, ac beneficium eius obscurare? Equidē puto, non pos-

E 3 se il.

se illud alia ratione magis illustrari, magis sanctificari, & gloriosius prædicari. Si quis sciat aliquem regi aut principi alicui ob insignes virtutes esse charissimū, & ad summas in regno dignitates euectum, & opibus amplissimis auctum: atque hunc talem, eò quòd tantus sit apud regem, veneretur, colat, obsecret etiam, vt se tum patrocinii regi commendet, tum opibus, quibus ditatus à rege sit, in suis necessitatib⁹ adiuuet: hiccine regis gloriam his rationibus obscurauerit, aut vlla iniuria regem affecerit? Nemo tam demens est, qui hoc dixerit: quū nihil aliud ille, quā dona regis, & regē ipsum in tali regis amico veneretur. Qui porrò veneratur aliquem, eò quod sit regi charus, quantò magis is veneratur regem

gē ipsum? Atq̄ planè se hoc modo
res habet, imò etiā multò magis,
in christo, ac sanctis Apost. marty
rib⁹, cæterisq; amicis christi. In his
em̄ nullus est fucus, nullus dolus,
nulla simulatio, nulla deceptio: sed
syncerissima certissimāq; oīa: adeo
vt ipse rex christus sibi oīa fieri in
terp̄tetur, quæ fiūt illis amicis suis:
ac vicissim amici oīa referāt ad glo
riam & honorem regis sui: cū in
rebus humanis, in aulis regum ac
principum sēpe dolus, impostura,
perfidia, & hypocrisis hæc vitiet.
Cum itaq; Ecclesia Dei catholica,
docta non solum à spiritu sibi di
uinitùs dato, vt se doceat omnem
veritatē, verū etiam clarissimis
diuinę scripturæ verbis, vt iam vi
dimus, credat firmissimè, p̄ incar
nationē, natiuitatē, passionē, mor
tem,

MATH. BREDENBACH.

tem, resurrectionem, & ascensionem Christi, genus humanum sic esse exaltatum ac deificatum, cum summa gratiarum actione Deum in his, qui iam gloriam illam & maiestatem consecuti sunt laudat, & ipsos in Deo, cum inuocatione & imploratione opis ac patrocinii, donec & ipsa in hac militia victrix, eodem quò illi iam peruenerunt, perueniat. Hæc fides totius Ecclesiæ catholicæ effecit, quòd ab eo tempore, quo Christus debellato inferno, sanctos illos è vinculis captiuitatis ereptos secum cœlo inuexit, quibus postea suos Apostolos, martyres, & nominis sui confessores adiunxit, & adiungit quotidie, ubiq; per totum terrarum orbem habet basilicas, & splendida templa, in honorem sanctorum

extru-

extracta, in quibus quotidie Deū
de tantis beneficiis in sanctis suis,
& ipsos sanctos in Deo laudat &
inuocat. Hæc est fides catholica,
qua Ecclesia credit in Iesum Chri-
stum filium Dei vnigenitum, vt
beneficia per ipsum accepta intel-
ligat, agnoscat, & grato amore am-
plectatur ac veneretur, non solum
in ipso capite, verum etiam in mē-
bris totius corporis: præsertim ve-
rò in illis tam honestis atque no-
bilibus. A qua fide quàm longè re-
cesserit Martinus Lutherus, ab-
undè declarauit, cū in aliis mul-
tis, tum in articulis, quos suis dedit
in generali Concilio proponēdis,
ita scribens, Inuocatio sanctorum
idem abusus est Antichristianus:
& pugnat aduersus primum arti-
culum præcipuum: & extinguit

Quomo-
do Luthe-
rus vim fi-
dei, prædi-
ctis articu-
lis contē-
tam abne-
garit.

E 5 cogni-

cognitiōem Christi. Quid ais Luther? Hiccine tibi videtur abusus Antichristianus, sic exaltatos p̄christum, vt iam sint vnum cum Christo, venerari, adorare, & inuocare, vt nos tum patrociniō, tum auxilio iuuent, vt & nos superatis malis peregrinationis huius, eodem incolumes perueniamus?

Testimonia, siue
exēpla.
Basili^{us} Magnus.

Igitur tibi Antichristus Basilius Magnus, hactenus laudatissimus Episcopus, & celeberrimus Ecclesiæ doctor? Is enim in encomio quadraginta martyrum, ita de illis ipsis martyribus scribit: Qui aliqua premitur angustia, ad hos confugiat: qui rursus lætatur, hos oret: hic vt à malis liberetur, ille vt duret in rebus lætis. Hos mulier orans pro filiis auditur: peregrinanti viro reditum incolumem

lumem, ægrotanti verò salutem implorat. Cum his ergo, martyribus nostris, effundamus preces.

Antichristus tibi, quem totus alio qui terrarum orbis agnoscit ac prædicat Christianissimum religiosissimūq; Imperatorē, Theodosius, cū pro rep. & religione christiana suscepturus bellū, ante martyrum thecas iacet prostratus cilicio, & fida sibi auxilia sanctorum intercessionem poscit? Antichristus tibi sanctus ille, & incomparabilis Ecclesiæ doctor Aurelius Augustinus, qui cū locis q̄ plurimis inuocationem illorum nobis cōmendet, & extremā dementiā nominet, dubitare an hæc fieri debeat, tum ipse eos inuocat in suis p̄cibus, his verbis in libro de spiritu & anima ca.

Theodosius Imperator.

Augustin

59. Vos igitur qui meruistis confortes

fortes fieri supernorum ciuium
& perfrui æternæ claritatis gloria,
orate pro me ad dominum, vt e-
ducat me de isto carcere, in quo
teneor captius & ligatus. Si-
milis legimus in meditationibus
illius, & aliis locis quàmpluri-
mis: in concionibus eius ad popu-
lum, vbi exhortatur ac docet in-
uocare eos, & in primis diuam vir-
ginem matrem. Quod nunquam
ausus fuisset facere, nisi hanc con-
suetudinem & fidem in Eccle-
sia & Ecclesiastica doctrina inue-
nisset. Demonstrari autem ea re-
ligio & consuetudo etiamnum
potest illis litaniis, quarum non-
nullas inuenimus ante annos mil-
le trecentos apud Ecclesiam in
vsu fuisse, in quibus post inuoca-
tionem sanctæ Trinitatis inuo-
cat

cat etiam sanctos cum CHRISTO iam in cœlo regnantes. In libro de cura pro mortuis capite quarto, vbi soluit quæstionem sibi propositam, ecquid prodesse queat homini vita defuncto, si corpus eius sepeliatur iuxta corpus martyris, hæc sunt eius verba: Cum itaque recolit animus, vbi sepultum sit charissimi corpus, & occurrit locus nomine martyris venerabilis, eidem martyri animam dilecti commendat recordantis & præcantis affectus. Sed quid ego hæc colligere pergo, quæ sunt innumera & infinita tum apud hunc, tum apud cæteros Ecclesiæ patres atque doctores? Quid autem tibi videtur Luthere, aut tibi, ô tu infœlix vmbra Lutheri, quam nuper illa Thessalis Erichtho

Vmbra Lutheri.

ab

ab inferis euocauit, vt super his re-
 bus mecum disceptares atque con-
 tenderes? quid, inquam, tibi viden-
 tur? An illi omnes tales ac tanti ti-
 bi sunt Antichristi? Totámne hác
 Ecclesiam damnabis Antichristi-
 anismi, quòd eos quos Christus
 per incarnationem suam assum-
 psit, per natiuitatem suam visita-
 uit, per passionem suam & mor-
 tem iustificauit, per descensum su-
 um ad inferos effractis illis carceri-
 bus eripuit, per suã resurrectionẽ
 viuificauit, per ascensionẽ coelo in-
 uexit, iuxta se in suo ipsius throno
 ad dextrã patris constituit, ex dāna-
 tis ppter primi illius parentis Adę
 peccatũ, & morti traditis ipse secũ-
 dus Adã cũ esset per omnia inno-
 centissimus, depenso pro illis mor-
 tis supplicio, è se renatos deos fe-
 cit

cit, (quotquot enim ibi sunt, inquit in eodē illo de spū & anima libro diuus Augustinus, dii sunt: & Dauid in Psalm. 81. Ego dixi, dii estis:) quòd eos, inquam, ita exaltatos, ita glorificatos, ita deificatos, veneratur, adoratur, patrocinium, opem, atque illorum bonorum, quę ipsi iam æterna hæreditate possidēt, iam ab omni prædōne ac hoste tuti atque securi, partem sibi adhuc in exilio hoc inter medios hostes laboranti ac periclitanti aliquam impertiāt, inuocat, ideo tibi videt̃ Ecclesia Antichristiana? Atqui nihil aliud est, credere in ip̃m Christū, q̃ credere quòd Christus hāc fœlicitatem illis, atq; omnibus q̃ illorum exemplo recipere voluerint, à patre comparaue- rit: neque aliud est credere in Deū patrem

patrem, quàm credere quòd per vnigenitum filium suum redemptum genus humanum ad tãtam maiestatem exaltauerit. Qui itaq; hoc non credit, is neque in Deum patrem rectè credit, neque in vnigenitum filium eius. An tu putas ad hoc vt sit fides verè & ingenuè Christiana, satis esse credere, quòd sit Deus pater omnipotens, cœli terræque conditor, & quòd Iesus Christus filius eius, è virgine homo natus, passus, mortuus, rediuiuus ex mortuis, ac tandem conscẽso cœlo sedens ad dextram patris? Hoc etiam dæmones credũt. Hæc itaq; credere non est satis ad hoc, vt sit fides verè & propriè Christiana: sed horum omnium vim, virtutem, & fructum fide apprehendere, charitate amplecti, cum gra-

gratiarum actione in illis qui iam ea possident venerari, firma spe, & feruenti oratione iam non solum ad primarium illorum bonorum datorem Deum, verumetiam ad eos, qui iam sibi data possidēt, effusa, ad eadem cōtendere, hæ sunt certissimæ ac propriæ notæ fidei verè Christianæ. Vnde non solum hæc nostra Ecclesia Romana, quæ nos peperit & enutriuit in hac fide, verumetiam exteræ illæ ac remotissimæ hanc eandem fidem, hanc eandem inuocandi Virginem matrem, & cæteros sanctos iam cum Christo in cœlo regnantes, cōsuetudinem habēt. Id quod videre est in illis libris, qui iam de illarum Ecclesiarum religione ex Assyria & Aethiopia ad nos perferuntur, de illorum populorum

Assyriorū
etiam, &
Aethiopū
Ecclesiæ
semp in-
uocarunt
sanctos.

F. reli-

religione ac ritibus : in quibus etiā
 præcationes sunt ad sanctissimam
 virginem Mariam, martyres, atq;
 alios sanctos : item pro animabus
 defunctorum: ne quis putet hæc
 esse excogitata à Pontificibus Ro-
 manis. Non sunt ab his excogi-
 tata, sed ab ipsis Domini IESV
 CHRISTI Apostolis accepta,
 credita, & obseruata ab vniuer-
 sali illa & Catholica Ecclesia, to-
 to terrarum orbe diffusa: & nitun-
 tur his articulis fidei, & horum
 virtute continentur, quibus cre-
 dimus in DEVM patrem, & v-
 nigenitum filium eius Iesum Chri-
 stum: vt qui hæc abnegat, is ab-
 neget vim, virtutem, & fructum
 sex priorum articulorum Symbo-
 li, quantumuis verba eorum ore
 crepet & iactet. Deus pater ho-
 rum

tum omnium primarius fons est. Ab hoc per verbum incarnatum emanarunt in humanitatem Domini nostri Iesu Christi, tanquam vnguentum in caput. Hinc autem in barbam ac totum corpus, adeò vt etiam in oram vestimēti. Nónne hoc tam stupendis & innumere-
rabilibus miraculis declaratū est, quæ tum ab ipso filio Dei, tum ab huius Apostolis, martyribus, aliisque sanctis facta sunt? Non ideo IESVS CHRISVS homo hæc accepit à patre Deo, vt sibi soli retineret: sed vt electis suis ea communicaret, non tantum ad fruendum, verumetiam aliis qui egerent impertiendum. Vnde Petrus ad claudum illum, Act. 3. qui iacebat ante portam templi, non dixit, orabo DEVM pro
F 2 te,

te, vt te fanet, sed ipſe tanquam agnoſcens in ſe hanc poteſtatem diuinitùs ſibi datam, dicit: Quod autem habeo, hoc tibi do: In nomine Ieſu Chriſti Nazareni ſurge & ambula. Nónne adhuc in hodiernum vſq; diem fiunt miracula apud ſepulchra martyrù? id quod etiam ipſe Martinus Lutherus in ſcriptis ſuis alicubi agnoſcit. Quod ſi tantam poteſtatem habuerunt in corporibus adhuc mortalibus, imò ſi ipſa eorum oſſa iam exanima tantã adhuc vim habent, quid credemus habere ſpiritus illorum, iam hac mortalitate exutos, atque in eum locum tranſſatos, vbi Deus diligentibus ſe præparauit tanta, quanta nec oculus vidit, nec auris audiuit, nec in cor hominis aſcēdit? Hæc nos per fidē noſtram,

quam

ab Ecclesia didicimus intelligētes
& agnoscentes, inuocamus eos,
non solūm vt pro nobis interce-
dant: verumetiam vt sua poten-
tia sibi à Deo data nos adiuuent
ipsi, & de illis suis tam incompre-
hensibilibus bonis largiantur, nō
in hoc obscurantes gloriam Dei
patris, & filii eius Iesu Christi, sed
maximè illustrantes, prædicantes,
atque laudantes eum qui tantam
potestatem dedit hominibus. Ecce
hæc est nostra fides Catholica
de Deo patre, & beneficiis eius in
filios adoptiōis, & de domino no-
stro Iesu Christo, & virtute incar-
natiōis, natiuitatis, passiōis, mor-
tis, descēsus, resurrectionis, & ascē-
sionis eiusdem. Quam fidē cūm
legamus in sanctorum patrum li-
bris, non solūm eorum qui docu-

erunt & scripserunt in Europa, ve-
rum etiam eorum qui in Africa,
Assyria, ac remotissima illa Ae-
thiopia, nos eam fortiter tenemus,
profitemur & confitemur tanquã
veram orthodoxam, à Christo &
Apostolis eius Ecclesiæ traditam.

Lutherus
impingēs
Ecclesiæ
Antichri-
stianis-
mum, ipse
fit Anti-
christus.

Martinum autem Lutherum, qui
eam damnat, abusum Antichri-
stianū appellans, nos damnamus,
tanquã Antichristum, ex illorum ni-
mirum numero, de quibus ait Io-

1. Ioan. 2.

annes Apostolus, Nunc Antichri-
sti multi facti sunt. Ex nobis pro-
dierunt, sed non erāt ex nobis. Nã
si fuissent ex nobis, permansissent
vtiq; nobiscum. Cũ itaq; ille se
hac perfidia segregauerit ab Eccle-
sia, atque ita sit mortuus, non ma-
gis dubitamus illum ardere apud
inferos, quã sanctos illos Dei,
de

de quibus iam sumus locuti, cum
CHRISTO gaudere, triumphare,
 & regnare in coelis. Quinetiam
 in hoc abnegauit virtutem passionis
 & mortis Dominicæ, quod
 asseruit iustum in omni opere bono
 non peccare: & omne opus quantum
 uis bonum, esse veniale peccatum.
 Neque enim propterea natus &
 passus est, mortuusq; pro peccatis
 nostris Christus, ut nos nihil pro
 his agamus aut patiamur, neque
 huius corporis mortem obeamus,
 cum res ipsa nos contrarium doceat:
 sed ut sibi incorporatos, suorum
 laborum, passionum, & mortis
 faceret participes, nostra bona
 opera, afflictiones nostras, nostram
 denique mortem in suis laboribus,
 passionibus, & morte sanctificans,
 quo per hæc ipsa resur-

Dogma
 Lutheri,
 quod iustus in omni opere
 bono peccet, quomodo ad-
 uersetur articulis
 fidei,

rectionis quoque ac vitæ æternæ
 cum ipso participes efficiamur.
 Nos in illo tanquam capite passi
 fumus ac mortui: ille verò in no-
 bis tanquam membris suis pati-
 tur & moritur vsque ad consum-
 mationem seculi. In se quidem,
 hoc est, capite, mortu⁹ est semel,
 & non moritur amplius. In nobis
 autem, qui quidem in illo mane-
 mus, & illum in nobis manen-
 tem habemus, patitur & moritur
 assiduè: idque iam inde ab origi-
 ne mundi, iuxta uerbum Ioannis
 in Apoc. de agno, qui occisus est
 ab origine mundi: quæ occisio
 cœpit in Abel, teste Augustino,
 & in Prophetis durauit, cæterisq;
 Apostolis & martyribus: & du-
 rat in sanctis membris agni, vs-
 que ad cōsummationem seculi.

Omnia

Omnia illi⁹ nostra sunt, & nostra illius, quatenus in illo manemus. Propterea noluit suos dicere seruos, sed amicos. Vos autem dixi amicos, inquit, quia omnia quęcunque audiui à patre meo, nota feci uobis. Nouimus autem uetere atq; adeò diuino prouerbio, amicorum omnia, tum læta, tum tristia esse communia. Quod cõfirmatur etiam articulo fidei nostrę, qui est de communione sanctorum. Cùm itaque labores, afflictiones, pafsiones, & mors sanctorum unum sint cum laboribus, afflictionibus, pafsionibus, & morte Christi, qui his adimit meritum, adimit meritum pafsioni mortique Christi: qui hæc facit peccata, quemadmodũ Lutherus dicit, iustum in his omni-

MATH. BREDENBACH.

bus peccare, & omnia opera eius quantūvis bona, esse venialia peccata, quid is aliud quàm ipsum Christum facit peccatorem? Videtisne fratres mei, quantum perfidię & blasphemiarum lateat in doctrina Lutheri? Nondum intelligitis, quàm non solum abnegarit, verumetiam hostiliter impugnarit fidem Ecclesię catholicę, symbolo illo comprehensam, idq; eo crudelius, quo magis verborū recitatione simulauit se idem cum Ecclesia credere? Nōne ad eundē modū Arrius imposuit Constantino Imperatori, in recitatiōe Symboli Niceni? Ab utebatur ipsius Symboli verbis, cū tamen Symbolo contraria crederet atq; doceret. Sed reuertamur ad symbolum hoc nostrū, quod dicimus Apostolorū: &
videa-

videamus nunc etiã illũ articulũ,
 qui est de tertia sacrae illius Triadis
 persona, inter duodecim articulos
 ordine octauus: habet autem hoc
 modo, Credo in spiritum sanctũ.
 Nũ de hoc spiritu idẽ credidit Lu-
 therus, quod freta ipsius Domini
 Iesu Christi verbo credit Ecclesia?
 Minimẽ, fratres mei. Hoc exerci-
 tatus aliq̃s theologus in multis do-
 cere poterit: ego in vno duntaxat,
 aut fortassis etiã altero demonstra-
 bo, quæ adeò sunt manifesta, vt
 vel à pueris intelligi queãt. Vtrũq;
 est, in Euãgelio Ioannis ca. 14. Vnũ
 est, quod Dominus Iesus promisit
 nobis fore, vt ille spiritus à Patre
 datus, maneat nobiscum in æter-
 num. Alterum est, quod ille nos,
 hoc est, Ecclesiam suam, docturus
 sit omnia. Et capite 16. manifestẽ
 dicit,

Octauus
 articulus
 fidei, Cre-
 do in spi-
 ritum san-
 ctũ, à Lu-
 thero ab-
 negatus.

MATH. BREDENBACH.

dicat, se dum apud eos esset in carne, nequaquam docuisse omnia. Adhuc multa habeo uobis dicere, inquit, sed non potestis portare modò. Cùm autem uenerit ille spiritus ueritatis, docebit uos omnem ueritatē. Hæc ita promissit nobis ipsa ueritas: & nos nihil dubitamus, aut (si quis fortè malit me ita loqui) Ecclesia nihil dubitat, sed credit omnino ita fieri. Vnde fit, ut insurgētibus in eam hæreticis, atque difficiles de fide ac religione quæstiones mouentibus, colligat se in spiritu sancto, atq; huius numine inuocato, de quæstionibus illis disceptet: & quod sibi hic suggererit ille spiritus, hoc uti uerum amplectitur: & eum qui contradixerit condēnat. Credit enim spōsi sui uerbis,
pro-

mittētis fore, ut hic spiritus maneat apud eā in eternum: & quod docturus sit eā omnē ueritatem.

Quàm longe aut hac etiam parte recesserit ab Ecclesiæ fide Martinus Lutherus, hoc abūdè magnū est argumentum, quod adimit ei potestātē cōdendi articulos fidei, & mores legum: & conciliorum omnium authoritatem è medio tollit: nihil aliud illi relinquens, quo se atq; doctrinā suā defendat, q̃ externum scripturæ corticem: ac ne hunc quidem totum, sed illis partibus, quibus sua mendacia prodi uidet, resectum & mutilatū. Atq; his rationibus mendacē facit in suis promissis filium dei, & spiritum sanctum ignauum & cessantē in officio suo, quod est, docere sponsam Christi Ecclesiā omnem

Nonum
quoque arti-
culū abne-
gauit Lu-
therus.

Decimū
articulū
abnega-
uit.

omnem veritatem. Ecce tam pul-
chrè consonat hac etiam parte fi-
des Martini Lutheri fidei Ecclesię
catholicę. Placēt ne etiam excute-
re articulum nonum, qui est de i-
psa Ecclesia? Non opinor opus ef-
se, in hoc tempus & laborem con-
sumere, cū ex his, quę hactenus
dicta sunt, omnes, quicunque mo-
dò legere dignabuntur, intelligāt,
quid ille credat de Ecclesia: quām
nihil huic tribuat, quām hanc sper-
nat, conspuat, atque omnibus
quibuscunque potest viribus op-
pugnet: adeò vt imperitis persua-
deat, eam nusquam esse, nisi in
sua secta. Hoc igitur omisso, tran-
seamus ad decimum, qui est, Re-
missionem peccatorum. Bone de-
us, quām longè hīc etiam recedit
à fide Ecclesię. Hęc enim credit ho-
mini

mini, qui crediderit & baptizatus fuerit, in ipso baptismo remitti vniuersa peccata. Lutherus autem contrà, illud quod est omniũ peccatorum caput, & dicitur originale, cõtendit per baptismum nõ deleri, sed remanere: atq; tantam retinere vim, vt animam à corpore egredientem remoretur ab ingressu coeli, etiam si nullum adsit actuale peccatum. De illorũ verò peccatorum remissione, quę perpetrantur post baptismum, & remittuntur per pœnitentiã, quàm longè aliter credat ac doceat q̃ Ecclesia, nouerunt illi, qui doctrinã eius de pœnitentia contulerunt cum Ecclesiæ de eadem doctrina. Cũ itaq; de duodecim articulis fidei vix tres inuenire possimus, in quibus idẽ credat cum Ecclesia, qui sunt, septi-

De reliq;
articulis
fidei.

septimus de extremo iudicio, vndecimus de resurrectione carnis, & duodecimus de vita æterna (si modò etiam de his idem cum Ecclesia credat: quod ego certè affirmare non ausim) in cæteris autem omnibus longè lateque recesserit ab Ecclesiæ fide, quàm Paulus asserit in Ecclesia esse vnam tantum, quis non intelligit, quàm non possit esse viuum Ecclesiæ membrum Martinus Lutherus: cùm verum sit Prophetæ verbum, iustum ex fide viuere? Iam igitur cùm satis demonstratum sit, quàm diuersa fuerit Lutheri fides ab Ecclesiæ fide: & quàm discors ac dissonans de ea doctrina, videamus nunc etiam id, quod tertio loco diximus, Ecclesiæ Catholicæ vbiq; per totum terrarum orbem eadem esse

Haftenus
demostra-
tum, quo-
modo fi-
dem Eccle-
siæ abne-
garit Lu-
ther⁹, nūc
quomodo
& sacra-
menta.

sacra-

sacramenta: quorum vis inenarra-
 biliter valet plurimum, inquit Au-
 gustinus, & ideo contempta sacri-
 legos facit. Hęc domin⁹ noster Ie-
 sus Christus tradidit Ecclesię spō-
 se suę numero septem, quibus ad
 salutem filiorum vteretur: Baptis-
 mū Matthæi vltimo dicens, Eun-
 tes ergo docete omnes gentes, ba-
 ptizantes eos in nomine patris, &
 filii, & spiritus sancti: & Marci vl-
 timo, Qui crediderit & baptizatus
 fuerit, saluus erit. De quo etiā Io-
 annes 3. Nisi quis renatus fuerit ex
 aqua & spiritu sancto, non potest
 introire in regnum Dei. Pœniten-
 tiam, Ioan. 20. Accipite spiritū san-
 ctum: quorum remiseritis pecca-
 ta, remittuntur eis: & quorum re-
 tinueritis, retenta sunt. De quo
 etiam matth. 18. Amen dico vobis,

Cōtra Fau-
 stum Ma-
 nicheū l. 1.
 19. cap. 12.

Baptism⁹.

Pœnitētia

G quæ-

MATH. BREDENBACH.

quæcunque alligaueritis super terrā, erunt ligata & in cœlo: & quæcunq; solueritis super terram, erūt soluta & in cœlo. Et ibidem interrogatus à Petro, quoties fratri, qui in se peccauerit, dimittere debeat, an vsque septies? Respondet, Non dico tibi vsque septies, sed vsque septuagies septies. Significans remissionem peccatorū semper esse paratam illis, qui pœnitentiam egerint. Tertium sacramentum est confirmatio: de quo in Actis cap. 8. Tunc imponebant manus super illos, & accipiebant spiritum sanctum. Et capite 19. Et cum imposuisset illis manus Paulus, venit spiritus sanctus super eos. Quartum Eucharistia: de cuius institutione sic scribit Matt. cap. 26. Coenantibus autem eis accepit

Confirmatio.

Eucharistia.

cepit Iesus panem & benedixit, ac fregit: deditq; discipulis suis, & ait, Accipite & comedite, hoc est, corpus meū. Et accipiēs calicē gratias egit, & dedit illis, dicens, Bibite ex hoc oēs. Hic est enim sanguis me⁹ noui testamēti, q⁹ pro multis effundetur in remissionē peccatorū. De fructu autem huius sacramēti verbum Dñi est Ioan. 6. Qui manducat carnē meā, & bibit meum sanguinē, habet vitam æternā: & ego resuscitabo eum in nouissimo die.

Quintum est ordo, quo ordinan- Ordo.
tur, cōsecrantur, & mittuntur illi, qui populo in Ecclesia annūciant Euangelium, & sacramenta ministrant. De quo Rom 10. Quomodo prēdicabunt nisi mittantur? Et 1. Timoth. 4. Noli negligere gratiam quæ in te est, quæ data est

07 MATH. BREDENBACH.

tibi per prophetiam cum impositione manuum presbyterii. Et 2. Timoth. 1. Propter quam causam admoneo te, vt resuscites gratiam Dei, quę est in te, per impositionē manuum mearum. Et Tito cap. 1. Huius rei gratia reliquite Crete, vt ea quę defunt corrigas, & constituas per ciuitates presbyteros, sicut & ego disposui tibi. De Diaconorum ordinatione Actorū. 6. manifestus est locus, his verbis: Hos statuerunt ante conspectum Apostolorum, & orātes imposuerunt eis manus. Quod si diligentius attendamus, per hoc sacramētum missus & commendatus est ipse filius Dei, cū spiritus sanctus in specie columbæ super eum descenderet, atq; vox patris de coelo resonaret, dicēs, Hic est filius meus di-

Matt. 3.

us dilectus, in quo mihi complacui: quibus apud eundem Euāgelistam cap. 17. additur etiam præceptū, Ipsum audite. Is deinde misit ^{Joan. 14.}

Apostolos, dicēs, Pax vobis, Sicut misit me pater, & ego mitto vos, &c. Apostoli verò alios, vt Paulus Timotheum & Titum: Petrus Clementem, Anacletum, & cæteros. Atque hi deinceps alios: quæ missio durat vsque ad consummationem seculi. Sextum est matri-

Matrimonium.

monium, de quo Paulus Ephes. 5. Propter hoc relinquet homo patrem & matrem suam, & adhærebit uxori suæ: & erunt duo in carne vna. Sacramētum hoc magnū est. Septimum, extrema vñctio.

Vñctio

De hoc manifestè loquitur Iacobus in Epistola sua cap. ultimo. Infirmatur quis in vobis, inquit, in-

G ; ducat

MATH. BREDENBACH.

ducat presbyteros ecclesiæ, & orēt
super eum, vngētes eū oleo in no-
mine domini, & oratio fidei salua-
bit infirmum, & alleuiabit eū do-
min⁹: & si in peccatis fuerit, remit-
tentur ei. Ecce hæc habemus irre-
fragabilia sacre scripturæ testimo-
nia de septē sacramentis, quæ Ec-
clesia Dei catholica accepit à spon-
so suo Domino Iesu Christo, vt
his vtatur ad salutem filiorum. Iā
verò audiamus de his ipsis vocem
Martini Lutheri in Captiuitate
Babylonica: Principio, inquit,
neganda sunt mihi septem sacra-
menta, & tantum tria pro tem-
pore ponenda, baptisumus, poenitē-
tia, & panis. Quanquam si vsu scri-
pturę loqui velim, non nisi vnum
sacramentum habeam, & tria si-
gna sacramentalia. Nam eucha-
ristia

ristia & absolutio sunt remem-
 rativa promissionis & adoptionis
 baptismi. Hæc est sententia, hæc
 sunt verba ipsius Lutheri de sacra-
 mentis. Quibus manifestissimè
 clarissimèque testatur ipse de se-
 metipso, quàm longè lateq; dis-
 sentiat ab Ecclesia, quantum ad
 sacramenta attinet: cùm hæc in
 summa veneratione, & religiosis-
 simo usu habeat septem, ab ipso
CHRISTO accepta, Lutherus
 autem ex his septem vix vnum a-
 gnoscat, neque in ullius admini-
 stratione sustinuerit ritum Ecclesiæ.
 Quomodo igitur potest esse mē-
 brum eius Ecclesię, quæ in om-
 nibus per totum terrarum or-
 bem locis eadem habet Sacramen-
 ta, eorundemq; eandem admini-
 strationem. Quando verò huius

membrum esse desiit, atq; ita mortuus est, quid aliud superest, quàm vt tâquam putridum membrum à corpore, aut inutilis palme à vite resectus, & in ignem coniectus ardeat? Ostendimus ac demonstra-
uimus clarissimis rationibus & argumentis per omnia irrefutabilibus, quàm longè recesserit à fide Ecclesię Catholicę de Deo patre, & huius pietate, benignitate, ac beneficentia in filios adoptionis, dū recusat agnoscere dignitatem illā & maiestatem, ad quam ille hos p-
vnigenitum suum euexit. Item de ipso vnigenito eiusdem Dei patris filio, dum abnegat omnem illam dignitatem, foelicitatem, atq; potentiam, quam is nascendo, patiendo, moriendo, resurgendo, ascendēdo in cœlum, sanctis suis fra-

tri-

α'νακε-
φαλαί-
ωσις.

tribus, & nunc cohæredibus, cōparauit & impartiuit. Tum etiam de spiritu sancto, dum huic blasphema quadam perfidia & impietate impingit, quod non faciat officium in docendo Ecclesiam, sponfam filii, omnem veritatem, iuxta promissum sponsi, hinc præcessuri in cœlum. Tum de ipsa Ecclesia, quam perfidissimis persuationibus apud imperitos omnibus illis donis & ornamentis, quibus à sponso ditata & ornata est, instituit spoliare. De sanctorum etiam communione, quam non solū inter se, tanquam vnius corporis membra, verum etiam cum ipso capite habēt. De remissione peccatorum, quæ cū perfectè fiat in baptismo, ita vt nullum in baptizato remaneat

peccatum, ipse id quod est omnium caput originale remanere asserit. De illorum verò remissione, quæ post baptismum admittuntur, & per poenitentiam delentur, ipse reiecta doctrina Ecclesiæ, palâ impia docet, dum tollit illos gradus, per quos necessariū est ascēdere, si velimus remissionē consequi. Sūt autem hi, contritio cordis, confessio oris, & impletio operis, quod à poenitentiā agente exigitur. De cōtritione hoc est illius impium pronunciatū, Cōtritio, quę paratur p̄ discursionem, collectionē, & detestationem peccatorū, qua quis recogitat annos suos in amaritudine animę suę, ponderando peccatorum gravitatē, multitudinē, foeditatem, amissionem æternę beatitudinis, & acquisitionem æternæ

næ damnationis, hæc contritio facit hypocritam, imò magis peccatorem. Et hoc: Nullus debet sacerdoti respondere se esse contritum, nec sacerdos requirere. De confessione autem hoc non minus inuerecundum & impium: Nullo modo, inquit, præsumas confiteri venialia peccata, sed nec oïa mortalia: quia impossibile est, vt omnia mortalia cognoscas. Et hoc: Dum volumus oïa purè confiteri, nihil aliud facimus, q̃ quod misericordiæ Dei nihil volumus relinquere ignoscendum. De satisfactione vero sic loquitur: Vehementer autē odi, & sublatum vellem hoc vocabulum satisfactio: quod non modo in scripturis non inuenitur, sed & piculosum habet sensum, quasi Deo quisquā possit pro vlllo peccato sa-

MATH. BREDENBACH.

to satisfacere, cū gratis ille igno-
scat omnia. His atque huiusmodi
paradoxis aliis cū vniuersam
pœnitentiā euertat, audiat quod
præcipitium miserum peccatorē
abducat. Si per impossibile, inq̃t,
cōfessus non esset cōtritus, aut sa-
cerdos nō seriò sed ioco absolue-
rit, si tñ credat sese absolutū, veris-
simè est absolutus. Ecce hoc mo-
do sublatis veris de pœnitentia
& remissione peccatorū sententi-
is tanquam gradibus, per præcipi-
tium sui istius impii mēdacii mi-
seros in ipsa tartara p̃cipitat. Hu-
iusmodi portenta cū in doctri-
nam de pœnitentia, & vniuersa
remissione peccatorum inuexe-
rit, nos putabimus illum credere
remissionem peccatorum cū Ec-
clesia? Imò verò quemadmodum
cuius-

eiusdem perfidiæ, incredulitatis,
 & impietatis est, credere nullum
 esse Deum, & credere, esse quidē
 Deum, sed talem, qualem Hora-
 tius describit Priapum: ita eiusdē
 incredulitatis & perfidiæ est, nul-
 lam credere peccatorū remissio-
 nem, & credere talem, qualem fin-
 git Lutherus. Cū itaq; certissi-
 mis apertissimisq; rationibus de-
 monsttrauerim, quā longē re-
 cesserit à fide Ecclesiæ Lutherus
 in nouem articulis, quis credat il-
 lum reliquos tres cū Ecclesia cre-
 didisse? Nam si verē credidisset fi-
 lium Dei venturum ad iudican-
 dum viuos & mortuos, qui est se-
 ptimus articulus, & in eo iudicio
 redditurum vnicuique secūdam
 opera sua, iuxta verbum Aposto-
 li Ro. 2. nunquam docuisset Euā-
 gelium

Signa, quib
 bus ostēdi
 tur, Lutho-
 rum nihil
 de symbo-
 lo verē
 credidisse

gelium non exigere opera: neq; ipse tam enormia flagitia ausus fuisset perpetrare, & in his sine poenitentia mori. Atq; hoc ipsum satis est argumenti, quod neq; de resurrectione mortuorum, neq; de vita æterna, vndecimo videlicet ac duodecimo articulis rectè crediderit iuxta verbum Domini Ioan. 5. quo dicit, Venit hora, in qua oēs qui in monumentis sunt, audient vocē filii Dei, & procedent q̄ bona fecerunt in resurrectionem vitæ: qui verò mala, in resurrectionē iudicii. Hæc si credidisset cū Ecclesia Lutherus, nunq̄ docuisset, Evangelium nō requirere opera, sed solā fidem: neq; ipse contra datā à se per solennia votā fidē, sceleribus inauditis, omnem ordinē ac disciplinā in Ecclesia dei funditū euertere

tere fuisset aggressus. Cùm igitur
 ea, quæ in Ecclesia præcipua sunt,
 fidem & sacramenta, cum omni
 honoræ & dignitate filiorum Dei
 abnegant, quid potest habere cū
 Ecclesia & filiis Dei commune?
 quomodo cum his benedictis pa-
 tris regnare ac triūphare in cœlo,
 ac nō potius cū maledictis illis dia-
 boli filiis ardere in igne æterno?

Sed videamus etiam illud insigne
 ornamentum Ecclesiæ: neq; verò
 duntaxat ornamentum, verume-
 tiā firmamentum, & propugnacu-
 lū, prorsus inexpugnabile: quod ita
 proprium est Ecclesiæ Dei, vt nulla
 vnq̃ secta habuerit, neq; habitura
 sit vnq̃ aliquod huic simile. Quod
 nā est hoc propugnaculum? Hoc
 nimirum, quod est in ea vnitas spi-
 ritus in vinculo pacis, omnibus se
 mutuò

Lutherus
 non habu-
 it vnū cū
 Ecclesia
 spiritū, &
 c.

mutuò ferētibus per charitatem,
quemadmodum demonstratum
est verbis Apostoli, & loco illo in-
signi, quem suprà ex D. Augusti-
ni epistola 162. ascripsim⁹. Quod
ad vnitatem spiritus attinet, nul-
lum potest huius euidentius esse
signum, q̃ vnitas & concordia in
fide, atque doctrina. In his igitur
cùm longissimè recesserit ab Ec-
clesia Lutherus, adeò vt fidem &
doctrinam Ecclesiæ omnibus co-
natibus & machinis suis oppu-
gnauerit, id quod iam copiosè &
luculentissimè demōstrauimus,
nemo nō facilè intelligit, quàm
non habuerit vnum cum Eccle-
sia spiritum Lutherus: sed cōtra-
rium, & hostem eius spiritus, qui
datus est Ecclesiæ, vt doceat eam
omnem veritatem. Neque vllis
præ-

præterea argumentis ad hoc demonstrandum est opus. Vinculū autem illud pacis, quàm confregit, discerpserit, ac dissipauerit Lutherus, non est opus vllis argumentis probare, cū ipsi videamus, & cū inenarrabilibus malis experiamur, necnon intolerabilibus doloribus iam per quadraginta annos sentiamus omnes funestissima illa dissidia, & cruentissima bella, irarum odiorūq; incendia, ad quæ restinguenda & componenda iam toties frustra conuenerunt summi totius orbis monarchæ, cum totius Imperii Romani principibus, adhibitis doctissimis viris: & iam denuò conuenturi sunt ad calendas Septembres huius anni. Neq; tamen vlla hæc restinguendi componendiq; spes est, donec

Vinculū
pacis dis-
rupit Lu-
therus.

H princi-

MATH. BREDENBACH.

principes intelligent scelera Lutheri, atque iustam huius condemnationem approbantes, impiam eius doctrinam in totum aboleant: atque orthodoxam illam Ecclesiæ Catholicæ, vnanimiter recipiant atq; restituant: meminerint verbi ipsius Lutheri, quo ait, Quod ad conciliationem attinet, frustra speratur. Iam verò quemadmodum Dominus noster Iesus Christus pacis authores pronunciauit beatos, filios Dei appellans, Beati, inquit, pacifici, quoniam ipsi filii dei vocabuntur: neq; dubium est, quin filii Dei, ex hac vita mortali migrantes, in illam æternam transcant, ibique cum suo patre Deo beatissimum illud regnum cum gaudio inenarrabili possideant: ita eisdem illis verbis per contra-
rium

riū docuit, infœlicissimos esse pacis disturbatores, ac dissidiorū aucthores, eosdemq; filios diaboli & esse, & rectè appellari: ideoque ex hac vita à suo illo teterrimo patre tenebrarum principe abripi, & ad inferos deferri, vt ibi cum illo ardeant in æternum. Cùm itaque talis fuerit hostis pacis Lutherus, atque tantorum dissidiorum auctor, quis dubitare potest, illum iam cum suo patre diabolo ardere apud inferos. Sequitur in definitione Ecclesiæ, Omnibus se mutuò ferentibus per charitatem. Videamus itaque, quæ fuerit charitas, quæ tolerantia in Martino Luthero, si fortè hîc aliquid in eo possimus inuenire, quod sit ei commune cum filiis DEI, ex sponsa atque matre illa om-

Neq; charitas, neq; tolerantia fuit in Luthero.

Charitas.

I. Cor. 13,

nium viuentiū Ecclesia. Sed adeò nihil inuenimus, vt omnia contraria. Charitas oīa suffert, omnia credit, omnia sperat, omnia sustinet, inq̃t Apostolus. Et paulò antè, Non inflatur, non est ambitiosa, &c. Luther⁹ adeò fuit inflatus & ambitiosus, vt neminem in Ecclesia superiorē se sustineret, non principem, non regem, non Imperatorē, non pastorem, non doctorem, non Episcopū, non Pontificem: sed omnes, cuiuscunque illi ordinis, magistratus, dignitatis, ac potestatis essent, si nō probarent scelera vitæ, & portēta doctrinæ Martini Lutheri, omni genere maledictorum, conuitiorū, & execrationum infectabatur: id quod paulò pōst latius explicabimus, & luculenti⁹ demonstrabimus.

bimus. Cùm itaq; illis ipsis, qui ^{Côclusio,} hactenus Martini Lutheri impo- ^{Lutherū} sturis decepti, doctrinam eius se- ^{nihil sibi} cuti sunt, testibus, extra Ecclesiā ^{retinuisse} nemo saluus fieri possit: Luthe- ^{cum Ec-} rus autem nihil habuerit cum Ec- ^{clesia cō-} clesia commune, non fidem, nō ^{mune,} doctrinam, non sacramēta, non ^{ideoq; ar-} spiritū, nō pacē, nō charitatē: sed ^{dere apud} oīa hæc abnegauerit, infectatus ^{inferos.} sit crudelissimè, atq; horribilem in modum disturbauerit vtriusq; etiam ordinis magistratū omnē, quos magistratus Deus ipse instituit & ordinauit, vt essent populi sui rectores, pastores, custodes: & quib⁹ ciuitatē suā tanq̃ moenib⁹, muris, ac mōtibus muniuit (mōtes, inquit, in circuitu eius) hos, ^{Psal. 124.} inquam, omnes omni cōnuitiorum genere infectando, & apud

imperitam multitudinem, cui regendæ dati sunt, traducendo per grauissimas seditiões de suis thronis & cathedris deturbare aggressus est: atque in his omnibus, multoque pluribus sceleribus pertinacissimè perseuerans mortuus est, hunc ego dubitabo iam cum diabolo ardere apud inferos? De hoc adeò non dubito, vt etiam nefas esse putem dubitare, illum ex hac vita, rectà descendisse ad inferos, ibique scelerum suorum dare pœnas, haud magis de hoc, inquam, dubito, quàm sanctos illos patriarchas, Prophetas, apostolos, martyres, ceterosq;, de quorum fide & iustitia constat, cū Christo regnare in cœlo. Atq; hanc meam sententiam eò liberiùs pronunciaui & pronuncio, quòd de eo dubitare

tare, coniunctum sit cum grauissimo periculo salutis omnium, quibuscunq; tū facinora tum dogmata illius innotuerunt. Quid enim perniciosius, quid magis contrarium doctrinæ Christi, quàm credere, aut etiam sperare, hominem qui in talibus facinoribus, & opinionibus tam peruersis moriatur sine pœnitentia, extra ipsam Ecclesiam, à qua ipse transfugiens in castra hostis diaboli concessit: deinde per summum Ecclesię pastorem, qui clauēs tenet, exclusus est & condēnatus p̄ excōmunicationē: hūc, inq̄, talē posse saluū fieri, posse intrare in regnū dei? Hoc si recipiat, q̄s vnq̄ vigilias & labores in hoc sit insumptur⁹, vt vel qd de Deo, rebusq; diuinis sentiēdū sit cognoscat, vel volūtātē dei sciat ac faciat?

Quis vnquam se eò demittet, vt po-
 testati à Deo ordinate subiect⁹ esse
 velit? Quibus autē, obsecro, ratio-
 nibus homines isti sibi demonstrari
 volūt illud, quod de Luthero dixi-
 mus, nempe quòd ardeat apud in-
 feros? Vtrū sibi testes ꝑduci vo-
 lunt, qui viderint eum ad inferos
 descēdere? an ipsi eodē deduci,
 vt rem oculis suis corā explorent?
 Horum neutrū fieri potest, neque
 vt fiant necessarium est. Collatio-
 ne scripturarum diuinarum, &
 facinorum dogmatumq; Lutheri,
 res fiet omni luce clarior. Cū
 autem in meo illo nuper edito li-
 bello, præcipua quædam illius tū
 facinora vitæ, tum portenta doctri-
 ri toti mundo etiam notissima, de-
 monstrassem tot modis, tot lo-
 cis diuinæ scripturæ, ex diametro
 pugnare

pugnare cū verbo & præceptis dei:
 damnata esse à spiritu sancto, tum
 per scripta Prophetarū & Aposto-
 lorum, tum per antiquissimos, do-
 ctissimos, sanctissimos, laudatissi-
 mosq; patres atque doctores Ec-
 clesiæ, tum per Oecumenica Con-
 cilia, tum per tot seculorum vsum,
 consuetudinem, & consensum to-
 tius Ecclesiæ: cūq; constaret Mar-
 tinum Lutherum in omnibus il-
 lis, & multò pluribus quàm ego il-
 lic recensui, sine poenitentia mor-
 tuum esse, nihil minus expectabā,
 quàm fore, vt quisquam tam esset
 ratiocinandi imperitus, vt non vi-
 deret, ex illis tam multis & manife-
 stis necessariò consequi id, quod
 ego scripsi, Martinum Lutherum
 ardere apud inferos, cū tamen
 sua illa mortiferæ doctrinæ sica

adhuc grassetur in terris. Quid hoc rationis est? quænam illa regula differendi, reprehendere conclusionem, cum neq; in præmissis, neq; in argumentationis forma quicquid reprehendere queas? Nonne hi simile quiddam faciunt cani, sæuienti in lapidē, illo vnde is tortus est omisso? Aut redarguendę erant illę tot scripturarū sententię, quas ego adduxi: aut negādū Lutherū fecisse & scripsisse ea quę ego illi impingo. Sed horum neutrum negari aut redargui potest: ergo necessariò concedendum, quod inde consequitur. Nō libet mihi, neq; est opus, ea hīc repetere, quę in libello sunt luculentissimis verbis ac rationibus indissolubilibus expressa ac demonstrata. Quid autem præterea à me exigitur? Aut quidnam est, in quo peccaui

caui. Non licuit mihi hominem
 tam per omnia scelestum, qui nos
 miseros omnes tam inextricabili-
 bus calamitatibus inuoluit & intri-
 cavit, attingere, nominare, nota-
 re, scelera eius indicare, dolos &
 imposturas demonstrare? Ho-
 stem, qui iam per quadraginta
 integros annos, tam grauitè, cum
 tanto, ac tam irrecuperabili dam-
 no turbauit Ecclesiam DEI,
 neque adhuc turbare desinit, e-
 tiam post sua illa execrabilia fata
 defæuiens, ego huius Ecclesiæ fi-
 lius, non audebo indicare fratri-
 bus meis, vt tandem aliquando
 excitati, scelestum illum latro-
 nem, post tantas editas strages,
 etiamsi eheu nimis iam serò, ta-
 men aliquando deprehensum &
 agnitum, è ciuitate exturbatum
 pro-

Repetitio
iudicio-
rū, quibus
damnatus
est Luth-
erus.

1. Tim. 5.
Pauli iudi-
cium.

profligent? Demonstraui illum cō-
demnatum esse ab ipso Deo in
scripturis sanctis, quas nobis per
prophetas suos, per vnigenitum fi-
lium, & huius Apostolos dedit, eò
quòd fidem votorum suorum,
quæ ipsi Deo & Ecclesiæ eius vo-
uerat, irritam fecerit: neque hoc
suo solius, & vno scelere conten-
tus fuerit, sed innumerabilia præ-
terea hominum millia, atq; adeò
omnes quoscunque potuit, ad i-
dem audendum excitauerit. Cùm
itaque Paulus Apostolus tam ex-
pressè dicat, viduam, quæ factò iā
viduitatis voto postea velit nube-
re, habere condénationē, ego non
audebo idē dicere de Martino Lu-
thero, tot modis votifrago, atque
tot millibus hominum eiusdem
sceleris authore? Cùm ipse filius
Dei

Dei Dominus noster Iesus Christus tam claris verbis condemnet illum, qui recusat audire Ecclesiam! Sit tibi, inquit, tanquam ethnicus & publicanus: Lutherus autem non solum recusauerit audire hanc, verum etiam summa cum impietate aggressus sit spoliare omnibus illis, quorum gratia debet audiri, dum adimit ei potestatem condendi articulos fidei, leges morum, interpretandi scripturas, & quicquid huius generis est, quo homines seditiosi, & cæteri flagitiosi sunt reprimendi: ego verebor dicere, illum in tantis flagitiis sine poenitentia mortuum, iam ardere apud inferos? Et per meum silentium patiar tot milia hominum, cum tanto suo periculo, imò exitio, errare in eo, de quo

Mat. c. 18.
Christi iudicium.

apud inferos
ardere
per meum
silentium

quo tam expreſſum habeo, & clatum ipſius Dei verbum? Qua ratione ego ipſe potero condemnationem effugere, ſi cum ſim filius familias de domo Dei, hæc fratribus meis non indicauero, vt ſibi ab illo perduto, & iam olim condemnato, & peſtiferis eius reliquiis caueant? Qui ore illo ſuo omnium, qui vnquam extiterunt impudentiſſimo, adeoque in ſpiritum ſanctum blaſphemo, non dubitauit ſibi cenſuram ſumere in omnia illa Oecumenica Concilia, quæ vnquam ab ipſo Chriſto iam hinc ad patrem digreſſo, per ipſos etiam Apoſtolos, & horum ſucceſſores oēs ſunt habita: quæ cum certiſſimum ſit, ab ipſo ſpiritu ſancto gubernari, ipſis Apoſtolicis teſtibus, dum in ipſis Conciliis ſen-

Lutherus,
blaſphemus
in ſpiritu
ſancto.

sententias suas non aliter q̃ his ver-
bis pronuntiāt: Visum est spiritui Acto. 13.
sancto & nobis, non potest esse du-
bium, quin reprehensor illorū bla-
sphemus sit in ipsum spiritum san-
ctum: quæ blasphemia ipso Chri- Matt. 12.
sto teste, neq; in hoc, neque in fu-
turo seculo remittitur: hunc ego
in tali blasphemia mortuum, dubi-
taro dicere ardere apud inferos?
De hoc dubitare, quid aliud est,
quàm de veritate verbi ipsius chri-
sti dubitare? Dissimulare autem
in tanta necessitate, vbi ignoran-
tia eius tam inenarrabilem malo-
rū causa est, quid aliud est, quàm
Ecclesiam Dei, impio silentio, &
nefaria prodicione hosti crudelis-
simo diripiendam aut tradere, aut
saltem permittere, quod minimū
à prodicione differt? Quid dicam
de

Lutherus
abnega-
uit scriptu-
ras diui-
nas.

de contumeliis eius in ipsam scri-
pturam diuinam? Libros Macha-
bæorum, qui etiam in ipsis Apo-
stolorum Canonibus inter scri-
pturas canonicas numerantur, re-
iicit, ne cogatur fateri, se impiè
docuisse de precibus & sacrificiis
pro animabus defunctorum, quasi
hæc nihil eis profint: sed excogi-
tata sint ab auaritia sacerdotum.
Sæcti Iacobi Apostoli epistolam
contumeliofo vocabulo strami-
neam appellat, quòd aduersetur
ipsius dogmati de iustificatione,
quam contendit sola fide consta-
re. Ex Euangelistis cum solum Io-
annem, ex epistolis autem Apo-
stolicis, has duntaxat, primam Io-
annis, priorem Petri, tres Pauli
ad Romanos, Galatas, & Ephe-
sios, eos esse libros affirmet, qui
nobis

nobis Christum describant, & omnia doceant, quę nobis necessaria & salutaria sunt, etiamsi nullū præterea librum, nullam præterea doctrinam, neque videamus, neq; audiamus, quantam vim, quantam iniuriam faciat vtriusq; testamenti scripturæ, quis non videt? Hoc autem explicare, & singulos veteris testamenti, tum legis, tum Prophetarum libros, mysticos illos Psalmos, & quicquid eius generis est, perlustrare: & in his contemplari dominum Iesum Christum elegantissimis figuris nobis depictum: illa saluberrima vitę tū præcepta, tum exempla: illas promissiones futurorum bonorum, quas Deus fecit sperantibus in se: illas tam graues, tam salutares ac necessarias admonitiones, ne ex-

I tol.

MATH. BREDENBACH.

tollamur in prosperis ad ruinam: illas tam dulces consolationes in aduersis, vt in his generosam illā animorum nostrorum celsitudinem, & fortitudinem inuictam coferuemus: hæc, inquam, atque alia quàm plurima perlustrando illos tot libros explicare, non breuis huius apologiæ, sed immensi voluminis fuerit. Præterea cùm diuus Augustinus pulcherrimè luculentissimeq; discrimen inter Ioan- nē & cæteros tres Euangelistas exponat, totam illam & prolixā collationē concludens his verbis: Vnde isti tres Euangelistę in his maxime occupati sunt, quæ christus in carne operatus est, & quæ præcepta mortalis vitæ exercendę, carnē portatibus tradidit. At verò Ioannes supra nubila infirmitatis hu-
manæ

manę velut aquila volat, & lucem incommutabilis veritatis acutissimis atq; firmissimis oculis cordis intuetur: hoc, inquam, cū teste Augustino, sit verissimū discriminē inter Euangelistas, Lutherus satis esse affirmat, ceteris pręteritis, solū Ioannem legere. Quanto verò rectius iudicat Augustinus, illorum lectionē in primis esse necessariā, vt per illa humiliora paulatim ascendamus ad hæc sublimia, quæ habet Ioannes: id quod elegantissima figura significatum esse indicat in patriarcha Iacob, qui nō potuit impetrare nuptias Rachelis, nisi prius ducta Lia. Nam Lia interpretatur laborans, inquit, Rachel autem visus principium: vt intelligamus prius nobis laborandum esse, q̃ possimus ad illā æter-

næ illius lucis sacræ Triadis visionem peruenire. Lutherus autem negat, Euangelium requirere opera: ideo cuperet illos Euangelistas extinctos, in quibus Christus tam multa, tam grauitè ac luculenter de operibus præcipit. Præterea cùm Christus Ecclesiæ suæ septem dederit sacramenta, quibus ad salutem filiorum suorum vteretur: Lutherus eam his ita spoliare aggressus est, vt vix vnum reliquerit: vt iam demonstraui. Idcirco dolebat illi non omnes illas scripturas esse abolitas, quibus ipsius sacraligia sic deteguntur. Nã (vt cætera taceã) expêdamus obsecro, quàm illi fuerit molestum sacramentum Ordinis, de quo luculentissimæ sunt scripturæ Actor. 6. 1. Timoth. 4. 2. Timoth. 1. ad Titum 1. præterea

Sacramentum ordinis quare Lutherò molestum

rea Matthæi 10. Lucæ 9. & Marci ultimo. Sciebat hoc sacramētum esse ostium illud ouilis, per quod qui non intrat in ouile, sed ascendit aliunde, ille non est verus ouium pastor, sed fur & latro: id quod doctissimè luculentissimeque demonstrat Ioannes Ferus, in cap. 10. Ioannes Euangelistę. Vnde nō est mirum, nō solum Lutherum, verumetiam omnes hæreticos cæteros, optare hoc sacramentū, vnā cum omnibus illis scripturis, quæ de hoc tam clarè loquuntur, esse sublatū è medio: quippe, p̄ quod aut ab ouili excluduntur, aut certè qui sint deprehenduntur. Eā quæ est ad Ephesios in illarum numero retinet, quæ Christum describunt, & necessaria ac salutaria docent: quod suspicor eum facere.

propter verba illa quæ sunt in 2.
cap. Gratia enim estis saluati per fi-
dem (& hoc non ex vobis, DEI
enim donum est) non ex ope-
ribus, vt ne quis glorietur. Nam
huiusmodi detorquere solet ad
suum dogma de iustificatione.

Quæ verò capite quinto expresse
scripta sunt de sacramento matri-
monii, inuitis omnibus, eò quò
sibi libet, detorquet, vt nobis è
manibus extorqueat matrimonii
sacramentum. Cùm autem illæ
tres epistolæ, ad Romanos, ad Ga-
latas, & ad Ephesios, omnium
difficillimæ sint, vt de his potissi-
mum diuus Apostolus Petrus vi-
deatur locutus, cùm sub finem
secundæ epistolæ suæ scriberet
his verbis : Sicut & charissimus
frater noster Paulus, secundum
da-

datam sibi sapientiam scripsit vobis, sicut & in omnibus epistolis, loquens in eis de his, in quibus sunt quædam difficilia intellectu: quæ indocti & instabiles depravant, sicut & cæteras scripturas, ad suam ipsorum perditionem: has sibi potissimum delegit Lutherus, ut harum per subdolas interpretationes depravatione imperitos deciperet, cæteris, quæ non minus sunt plenæ saluberrimæ necessariæque doctrinæ, tanquam non necessariis reiectis. Ego itaque hominem tot modis sacrilegum, atque in tot tam enormibus sacrilegiis mortuum, dubitabo esse apud inferos, ibique dare pœnas suorum sacrilegiorum: idque non indicabo fratribus meis, ut sibi

Conclusio
huius.

MATH. BREDENBACH.

ab illius sacrilega doctrina caueāt,
 ne & ipsi in eundem tormento-
 rum locum veniant? Neque verò
 contentus fuit, ecclesiam hanc mi-
 litantem ita spoliare sacramento-
 rum panoplia, quibus diuinitus ar-
 matur aduersus hostem suum dia-
 bolum: verum etiam triumphan-
 tem illam in cœlo iam, honore vi-
 ctoriæ suæ, & gloria triumphi ag-
 gressus est exuere: adeò vt etiam i-
 psam omnium sanctissimam vir-
 ginem Mariam, Domini nostri Ie-
 su Christi matrem, quam angelus
 Gabriel adhuc mortalem, & ante-
 quam filium Dei in vtero conce-
 pisset, salutans plenam gratia pro-
 nunciauit, & sancta Elizabeth in-
 ter mulieres, hoc est, supra omnes
 mulieres benedictam: imò quam
 iuxta ipsius in illo Prophetico can-
 tico

Quam im-
 pius etiā
 in Ecclesi-
 am trium-
 phantem
 Lutherus

In virgi-
 nē matrē.

tico vaticinium, omnes generationes hominum beatam dicūt: hanc, inquam, nūc supra oēs cœlos & ipsos angelorū choros exaltatam, ille non est veritus nobis adhuc in terra repētibus, & quotidie peccantibus, æquare. Sic enim in sermone de natiuitate ei⁹ loquitur: Idcirco velim quod festum eius dimitteretur: quia nihil de ea re habetur in scriptura: cū tamen à Christo dicamur Christiani, & ab ipso solo pēdeamus, vt simus Dei filii atque hæredes: & ita sumus æquē tāti, quāta est ipsa mater Dei, & sum⁹ Marię sorores & fratres. Alioquin fit imminutio sacro sanguini Iesu Christi. Quia per hunc sanguinē omnes pariter expurgati sumus à peccatis, ac positi in cœlestia bo

na. Si hoc ita est, sumus certè equè sancti sicut ipsa. Ecce, hæc sunt illius in eo sermone verba. Iam obsecro vos, viri ac fratres mei charissimi, expendite mihi hæc verba, & iudicate ipsi, quo loco dignus sit, qui ita non modo fenserit, verum etiam publicè, tum viua voce pro concione, tum scripto coram toto mundo docuerit. De veneratione & inuocatione sanctorum aliquando ita scripsit, in declaratione quorundam articulorum, quos calumniosè impu- tari sibi querebatur: De sanctorum intercessione dico (inquit) & teneo cum tota Ecclesia, quòd sancti venerari & inuocari debèt. Quis enim hoc impugnet, cùm adhuc hodie visibiliter apud sanctorum corpora & sepulchra, Deus per

us per sanctorum suorum nomina miracula operetur? Hoc tunc quidem rectè scripsit Lutherus, secundum fidem, usum, & consuetudinem totius Ecclesiæ, ab eo usque tempore, quo Dominus Iesus victor diaboli, mortis, atque inferni, cum amplissimo triumpho, illa innumerabilia sanctorum milia in cælum inuexit. Verebatur enim adhuc, ne si manifestas scriberet blasphemias, omnium hominum iram & vindictam in se concitaret. Ast ubi iam sensit stultitiam populi, & ad quæuis, quantumuis etiam absurda & impia, credendum leuitatem, audite quæso, quomodo hoc velum verterit, Inuocatio sanctorum, inquit, itidem abusus est Antichristianus, & pugnat aduersus primum

mum articulum præcipuum: &
 extinguit cognitionem Christi.
 Hæc iam sunt eius verba, in illis
 articulis quos suis dedit in gene-
 rali Concilio proponendos: quæ-
 admodum etiâ suprâ retuli. Cum
 itaq; Martinus Lutherus ita de o-
 peribus iustitiæ, de sacramentis
 Ecclesiæ, de honore, dignitate,
 beatitudine, & inuocatione san-
 ctorum, atque ipsius Dei genitri-
 cis, scripserit & docuerit, in quem
 obsecro magis quàm in illû con-
 petit illud Sapient. 2. Hęc cogita-
 uerunt & errauerunt: excæcavit
 enim illos malitia eorum: & ne-
 scierunt sacramēta Dei, neq; mer-
 cedem sperauerunt iustitiæ, nec
 iudicauerunt honorem anima-
 rum sanctarum? Et cùm in ea ma-
 litia & cæcitate sit mortuus, ego
 dubi-

dubitabo dicere illum damnatū
ad inferos, illic suæ malitiæ pœ-
nas luere: nec audebo admonere
fratres meos, in primis autem iu-
uentutem fidei meę cōcreditam,
vt sibi ab illius pestifera doctrina
caueant, ne & ipsi in eandem cæ-
citatem, & condemnationem at-
que supplicium incidant? An ye-
rò ideo de hoc dubitabim⁹, quod
nō vidimus oculis nostris illum
ad inferos descendentē? Ad quid
igitur scripturæ diuinæ? Ad quid
tot sacrorum Conciliorum de-
creta? ad quid tot sanctissimorū
patrum sententiæ? ad quid tot se-
culorum vsus, cōsuetudines, sen-
tentiæ, & iudicia totius Ecclesię
Catholicę? quibus omnibus tū fa-
cinora, tū dogmata Lutheri, non
solum ea quæ nos hīc recensui-
mus,

mus, sed & alia quàm plurimà palàm condemnantur, necessarium est nos vel de veritate horum omnium dubitare (quod fuerit peccatum in spiritum sanctum, qui illa iudicia sanctis suis inspirauit) vel de damnatione Lutheri dubitare prorsus nihil: præsertim cum sciamus illum in illis sine poenitentia & reuocatione mortuū esse. Quid dicemus, quod Lutherus non solum illorum, quos iā dixi, verum etiā suo ipsius iudicio condēnatus mortuus est? Vnde verò hoc scire possumus? Hoc nobis verbis clarissimis annūciat Apostolus Paulus, ita scribens ad Titum cap. 3. Hæreticum hominē, inquit, post vnā & secundā correptionem deuota: sciens quia subuersus est, qui eiusmodi est, & delinquit, cū sit proprio

Lutherus
suo ipsius
iudicio cō
demnatus

prio iudicio cōdemnatus. An verò dubitabimus hoc D. Apostolo Paulo credere? Profectò, si quis de hoc dubitet, hunc ego planè pro impio, & ethnico sum habiturus. Quid autem de Martino Luthe- ro? Nōne scimus omnes, hunc non semel duntaxat, aut iterum, idque non ab vno duntaxat aliquo viro bono & pio, aut Episco- po vno, sed toties, à tam multis, tam excellentis doctrinæ viris, nō simplici verbo, sed multis & magnis rationum voluminibus: quin etiam publicis disputationibus, in frequentibus Imperii comiti- is, coram Christianissimo religio- sissimoque Imperatore Carolo Quinto, tam grauitè admonitū, correptum, atque conuictum, ta- men adeò non resipuisse, vt etiam
 exem-

exemplo Pharaonis semper magis magisq; sit induratus? Quid igitur est quod dubitemus, quin quemadmodum historia Exodi nos docet de Pharaone, quòd is demersus sit in profundum maris, ita Lutherum demersum esse in profundum inferni, & stagnū ignis? cū non possit esse irritū

Math. 7. aut vanū verbum Domini, quò ait: Omnis arbor, quæ non facit fructum bonum, excidetur, & in ignem mittetur: neque illud

Prov. 11.

Salomōis, Mortuo homine impio nulla erit vltra spes. Porro illud **Ecclef. 7.** Mortuo non prohibeas gratiam, nihil patrocinator Lutheri: cū nō sit dictum de illis, qui in hæresi, sed his qui in domino moriuntur: quibus nemo unquam magis prohibuit gratiam, quam

quàm Lutherus ipse, dum docuit
populum, neq; eleemosynas, neq;
preces, neque sacrificia pro eis ef-
fic offerenda. Quid igitur nunc ali-
quis post tam multas & euidentes
demonstrationes requirit? An ad-
huc exemplo Thomæ Apostoli
incredulus, expectat, vt res ipsa sibi
oculis coràm inspicienda, & ma-
nibus contrectanda exhibeatur?

Hoc quidem per nos fieri non po-
test, exemplo tamen per omnia si-
milimo, tanquàm depicta tabula,
potest exhiberi. Scimus priscis il-
lis tam veteris quàm noui testamē-
ti patribus, Prophetis, Apostolis,
aliisq; hominibus sanctis, quàm
plurima formis visibilibus esse ex-
hibita: vt videlicet neque illis du-
bitandi, neque nobis in similibus
vlla non credēdi relinqueretur ra-

Exemplo vi-
sibili, tanq̃
imagine
demonstra-
tur descē-
sus Luthe-
ri ad infe-
ros.

K

tio.

tio. Sic aliis in specie visibili per angelos: aliis per semetipsum facie ad faciem locutus est: aliis veritatem suam per signa & miracula ostendit: vt huiusmodi ceu pædagogiis paulatim formaret, & ad simpliciter sine miraculis credendum induceret. Cùm autem nouum testamentum esset conditurus, nouam legem, nouum sacrificium, noua sacramenta introducturus, visibilibus exemplis, signis, & miraculis ea nobis commendauit: vt cum baptizaretur à Ioanne, commendatus est, & manifestatus vocali testimonio patris, & præsentia spiritus sancti in manifesta specie columbæ, vt Ioannes certò sciret hunc esse filium DEI: & nos certò credamus, ita per illum esse consecratum

tum baptismum, ut nos ex aqua eius & spiritu sancto renascendo, efficiamur filii Dei. Ita cum in die Pentecostes effunderet in eos ignearum linguarum visibili specie spiritum sanctum: idemque postea aliquoties faceret per verbum & impositionem manuum Apostolicarum, quid aliud quam illos quidem palam videre atque audire, nos autem pie credere docuit, quid per sacramenta Ecclesiae, praesertim illud quod Confirmationis dicimus, accipiamus? Cum Ananiam & AA. s. Sapphiram subitanea morte visibiliter percuteret, quod fraudem fecerint Apostolis, quid aliud nos docuit, quam peccatum esse morte plectendum, si quis fraudem faciat illis, quos

MATH. BREDENBACH.

ipse constituit pastores & rectores
populi sui? Similiter de cæteris
sentiendum est, quæ nimis lon-
gum fuerit nos hîc enumerando
& explicando persequi. Illi, quem
admodum de Thoma legimus, vi-
derunt & crediderunt: Christus
autem beatos pronunciat eos, qui
non viderunt & crediderunt. Nûc
itaque ad nostrum quod promi-
simus exemplum, in quo Luthe-
ri casum tanquàm in tabula depi-
ctum videre & contemplari lice-
bit. In Deuteronomio hoc modo
præceptum legimus: Qui autem
superbierit, nolens obedire sacer-
dotis imperio, qui eo tempore mi-
nistrat Domino Deo tuo, ex de-
creto iudicis morietur homo ille,
& auferes malum de Israël: cun-
ctusque populus audiens timebit,
vt nul-

Deut. 17.

vt nullus deinceps intumescat superbiâ. Hoc est præceptum domini, cum adiuncta poena transgressoris. Iam videamus, quàm horrendo exemplo hanc legem sit executus. Cùm Coreh, Dathan, Abiron, cum sociis suę conspirationis ac sectę sese opponerent Moyfi & Aaroni, quid de fine illorum nobis narrat historia Numerorum? Num. 16. Dirupta est terra, inquit, sub pedibus eorum, & aperiēs os suum deuorauit illos cum tabernaculis suis, & vniuersa substantia eorum: descenderuntq; viui in infernum operti humo, & perierunt de medio multitudinis. At verò omnis Israël, qui stabat per gyrum, fugit à clamore pereuntium, dicens, Ne fortè & nos terra deglutiat. Ecce, hoc est iudicium, hæc poena illo-

rum, qui sacerdotibus dei, & præpositis Ecclesię Dei sese opponūt.

Qualis Lutherus in sacerdotibus Dei.

Iam videamus quid fecerit Martinus Lutherus, & in exemplo Co-reh & sociorum eius, exitum Lutheri ex hac vita contemplemur.

Nihil est opus hīc omnia repetere, quæ ille innumerabilia omni petulantia, scurrilitate, spurcitie, foeditateq; plenissima euomuit, non in unū aliquē pontificē aut sacerdotē dei, puta Paulū Tertium, aut alium aliquē: sed in vniuersum illum pōtificum & sacerdotū ordinem.

Quē ordinem cū historia Evangelica tā clarē doceat, ab ipso Dño nostro Iesu Christo, in Petro tantū principali, & cæteris Apostolis, tāq̃ huius collegis, esse institutū: Martinus Lutherus editis tabularū picturis, omnium quæ vn-

quā

quàm in manus & conspectũ ho-
 minum venerũt impurissimis fœ-
 dissimisq; tradidit eum scurris &
 fannionibus illudendũ & conspu-
 endum, tanq̃ à cacodæmone caca-
 tum, à furiis infernalibus enutritũ:
 actandem super inferni os consti-
 tuit, vt à dæmonibus accipiat co-
 ronam. In vna earum pingit eum
 scrofæ insidentem, sinistrâ gestan-
 tem oletum humanũ, idq; dextrâ
 per signaculum crucis benedicen-
 tem. Quid vobis videtur, viri fra-
 tres? vtrũ hæc à spiritu sancto, an
 potius ab aliquo omniũ impurissi-
 mo cacodemone, videtur esse sug-
 gesta Luthero? Ex fructibus, iuxta
 præceptum Domini, æstimate &
 cognoscite arborẽ. Eiusdem puri-
 tatis est, quod in alia tabula expri-
 mit pōtificẽ excommunicatiōis ful-

Picturẽ
 Lutheri i
 summum
 Pontificẽ,

men torquentem: suos autem auditores atque discipulos ex aduerso detectis turpissimè foedissimeque natibus oppedere, reflexis interim capitibus, & linguis scurrarum sannionumque more exertis. In proxima tabula depingit Pontificis, coronis gemmisque ornatam tiaram, sed euersam. Super hanc vnū è suis discipulis statuit, multò quàm dici potest foedius nudato podice, aluum in ipsam tiaram deicientē. Iuxta verò statuit duos alios ad idē opus eadem verecundia sese præparantes. In alia producit Pontificem in specie asini, prioribus pedibus tibias vtriculares lyræ loco tenentem, eisdemque canentem. In alia facit ex eo carnificem. In postrema verò iam semetipsum facit carnificem Lutherus, & ipsum Pontificem

tificem vnà cum Senatu Cardinalitio suspendit in extructo à se patibulo. Singulis autem tabulis addidit sua apophthegmata, Latine quidem, fœditate & scurrilitate omnium qui vnquam scriptis aliquid publicarunt, quantumuis barbari, ethnici, & impii, turpitudinem superantia: & tamen turpiora, quæ addidit lingua Germanica. Nihil iam dico de libris eius, tum in Pontifices, præsertim in Paulum Tertium, tum in reges & principes inaudita petulantia scriptis: adeò etiam, vt iam ante multa secula mortuos, viros partim summæ doctrinæ ac sapientiæ, partim sanctissimæ vitæ, partim etiam martyrii ratione semper summis laudibus celebratos, ipse acerbissimis

Lutheri
impietas
etiã in il-
los anti-
quos Pon-
tifices
martyres.

conuitiis lacerauerit. Nam vt taceam, quæ in optimum pontificem Nicolaum primum euomuit, delirum, infanum, sine Theologia, tyrannum appellans, & impingēs Antichristianismum propter decretalem quandam, & pleraque alia: in Pelagium primum ea scripsit; in quibus quiuis homo cordatus & modestus, qui ea legit, non potest non execrari hominis omnium superbissimi virulentiam: vt ea quæ in Leonem primum, virum doctrina iuxta ac sanctitate vitæ suspiciendum: in sanctum illum Isidorum, quem per contumeliam canem appellauit: vt, inquam, hæc, cum aliis quamplurimis taceam, etiam ipsum sanctum pontificem & martyrem Anacletum, diui Apostoli Petri discipulum, à quo

&

& presbyter ordinatus fuit, & qn-
 tus ab eo in sede Apostolica succes-
 sor: hūc, inquā, tot nominibus ve-
 nerandum ac suspiciendum pon-
 tificē & martyrem, Martinus Lu-
 therus non est veritus appellare te-
 merarium, inscium, scenicum, nu-
 gatorem: deinde etiā porcū. Quid
 vobis de hoc censore videtur, viri
 fratres? Qui hæc ausus est in illos
 tam sanctos, & iam ante tot secula
 hinc in cœlum euectos, & cum
 C H R I S T O regnantes Pon-
 tifices, hunc nihil miraculi fuit à
 nullo scurrilitatis & maledicen-
 tiæ genere in omnes qui nunc vi-
 uunt temperasse. Iam nihil est
 quòd miremur, quòd Carolum
 Quintum Cæsarē, vnà cum Ger-
 manix principibus ausus sit ap-
 pellare mendaces: quòd ausus sit

Lutheri
 maledicē-
 tia & scur-
 rilitas in
 Imperato-
 rem & Prī-
 cipes Im-
 perij.

scri-

scribere, Cæsarem edicta sua è fumariis accipere: vt in epistola quadam eius contra duo Cæsaris edicta scriptum videmus. Et ad regē Angliæ: Vos principes, inquit, estis bullæ aquarum, & lentes capitis, nondum facti pediculi. Et alibi: Turpe & absurdū est, quòd Cæsar & Romani Imperii principes ita apertè nugas agant: at lōgè turpius est, quòd vno eodemque tempore contraria edicta publicant. Et iterum: Mendaces, inquit, sunt, & obstinati principes nostri, nec homines ratione præditi, sed Germanicæ bestię. Ecce, hæ atq; innumerabiles id genus aliæ, sunt Martini Lutheri facetiæ in summas vtriusque ordinis in populo Dei potestates, etiam in illis argumentis, locis, & causis,

sis, quæ omnia summam grauitatem, cum timore atque tremore, imò etiam cum lachrymis ac precibus sine intermissione in tantis periculis ad Deum fusis, postulabant. Iam hæc examine-
mus & expendamus, exigentes ad regulam eorum, quæ tot locis diuinæ scripturæ præcepta legimus de exhibenda reuerētia, obedientia, & honore omni etiam potestati, eò quòd à Deo sit: & quòd huic resistere, diuinæ ordinationi resistere sit: & quòd huic resistēdi peccato semper annexa sit condemnatio, eademq; grauissima: quod tanquam in viua imagine videre est in historia de Coreh & sociis eius: qui cum dehiscēte terra viui etiam cum tam horrendo spectaculo ad inferos descen-

scenderint, nos dubitare possumus, eodē descēdisse Lutherum, tot modis etiam multò sceleratiorē illis? Hoc ego tam certis argumentis mihi compertum, non audebo indicare? non audebo pronunciare? cū tam necessarium sit ab omnibus hominibus sciri, ut sibi discāt cauere? Nōne verbum

Deut. 17.

Dei est, Qui autē superbierit, nolens obedire sacerdotis imperio, qui eo tempore ministrat Domino Deo tuo, aut iudicis (sic enim ex Hebræo sonat) morietur homo ille: & auferes malum de israhel: cunctusq; populus audiens timebit, ut nullus deinceps intumescat

Num. 16.

superbiâ? In Numeris autem exemplum est, in quo videmus eos, qui superbierūt aduersus sacerdotem & iudicem, viuos etiam descendisse in

se in infernum, & opertos esse humo. Atque illud quidem sacerdotium fuit vmbra duntaxat huius sacerdotii, quod ab his pontificibus administratur. Illi enim sedebant in cathedra Moyfi, qui fuit vmbra & figura Christi: hi autem in cathedra ipsius Christi, & vices eius gerunt: vnde dixit, Qui vos audit, me audit: qui vos spernit, me spernit: qui autem spernit me, spernit eum qui misit me.

Cùm itaque Lutherus non vnum aliquem ex his, sed vniuersum ordinem, non solum spreuerit, verum etiam inauditis antea contumeliis affectum in patibulum egerit: atque in his tantis sceleribus non modò sine omni poenitentia, verum etiam gloriabundus permanens, sceleratissimam
illam

illam animam efflauerit, nos dubitabimus illum cū Coreh, Dathan, Abiron, Hon, atque illa impiorū turba ardere iam apud inferos, ibique ex iustitia Dei, tot tam enormium scelerum luere poenas? De hoc dubitare nihil aliud est, quàm de veritate verbi Dei dubitare, quo videmus talia scelera ad inferos condemnari. Nam de factis Lutheri dubitare non possumus, cū horum testimonia non solum actionibus vitę, & viua sua voce cū adhuc superesset ediderit, verumetiam multis suis libris inscripta ad omnē posteritatem miserit. Quòd si quis etiam nostrę ætatis miraculis sibi rem demonstrari postulet, ô quāta mihi horum esset copia, si non abhorreret animus meus

ab

Miracula
nostrę æ-
tatis.

ab illorum cōmemoratione, propter illos miseros, q̄bus ab illo scelerato in errorem, & peccata seductis, ea acciderunt: quorum lamētabilis casus & mihi p̄pter dilectionem, qua illos viuos complectebam, scribere, & aliis etiam propter propinquitatem legere, acerbum fuerit. Tametsi de plerisque nunc etiam extant historiæ, hisce proximis annis conscriptæ & publicatę, partim Germanica, partim Latina lingua. Ego vnum duntaxat referam, quod neminem lædere, aut offendere potest. Scribit Christianus Massæus, Chronicorū lib. 20. Anno salutis 1527. die 20. Iulii Tornaci Lutheranium quendā, nomine Henricū, fuisse combustū. Is, vt ait Massæus, sequenti nocte sociis in carcere totus ardens apparuit.

L

ruit. Illis præ timore clamantibus, ait, Nisi ab errore cessetis, mecum peribitis in æternum. Excitatus clamore carcerarius, consules vrbis aduocauit. Dicunt illis vincti, Facite de nobis quod volueritis, modo prius confiteamur, ne cū Henrico peream⁹. Hęc massæus. Adde-
 ré & alterum, si tam scripto probare possem, q̃ propter fidem eius q̃ mihi narrauit, nihil de eo dubito. Fuit mihi in hac schola Embricensi laborum socius Petrus Homphæus, nō ille qui postea factus est huius collegii decanus, vir æternæ memoria dignus, sed huius patrue-
 lis. Is aliquando è sua patria nauigio descendēs, secum habuit præter cæteros in eadem naue duos monachos. Hos cū quidam factionis Lutherane miris contume-
 liis,

liis, conuitiis, & disputandi contē-
tionib⁹ exagitaret, alter monacho-
rum placidis quidem verbis, sed ra-
tionibus tam grauibus obuiau-
it, vt ille nihil haberet, quod contra-
diceret. Cœpit itaque deuouendo
se inficiari vera esse quæ diceren-
tur à monacho. Si, inquit, ista se ita
habent, perdat me subitanea mor-
te hoc loco Deus. Atque vnà cum
ipso verbo efflauit animam. Hæc
ille mihi & multis aliis à se visa &
audita retulit. Quæ in Commen-
tariis Sleidani, & aliis libris legun-
tur, viris prudentibus ipsis legen-
da & expendenda relinquo. Ta-
met si Sleidanus exempla omni-
um clarissima omisit, quorū nar-
randorum illi fuisset occasio præ-
sentissima, vbi de bello Saxoni-
co scribit: nisi nimium aduersata

L

fuit.

MATH. BREDENBACH.

fuissent factioni illi, in cuius gratiam Sleidanus ferè omnia scripsisse videtur. Desinamus itaq; de his tot modis probatis & manifestatis dubitare: & sinamus Lutherum ardere apud inferos vsque in æternum: cum non possit mentiri scriptura, quæ dicit, Mortuo homine impio, non erit vltra spes. Equidẽ optarim non solùm Lutherò, verum etiã oĩbus hominibus, quotquot vnq̃ fuerunt ab exordio mũdi, & futuri sunt, vsq; ad consummationem eiusdem, eam fidem & vitæ puritatem, quæ digna esset regno Dei. Quam vtinam illis comparare possem, nō solùm per huius meæ momentaneæ vitæ iacturam, verum etiam per acerbissimũ aliquod genus mortis, quod libenter pro illorum salute obire, tan-

tantum abest, vt condemnatione cuiusquam, & suppliciis miserorū delecter. Verū cū tam innumerabilis illorum turba sit, qui q̄ hęc non amplectantur, imò etiam hostiliter infectētur, iusto iudicio Dei pereunt, nos certè nec reprehēdere debemus, nec mutare possumus iustissima illa iudicia Dei. Sperare autem eos, quos in tam manifesta impietate mortuos esse constat, posse fieri saluos, hoc vt aduersatur verbo Dei, & fidei Christianæ, ita valdè impium est, impetitis persuadere: pium autem & necessarium, opinionem tam perniciosam omnibus hominib⁹ quoad fieri potest, eximere: ne videlicet errore pessimo decepti, incidāt in gehennam. Nōne eadem de causa Dominus Iesus ipse de-

MATH. BREDENBACH.

Luc. 16

pinxit nobis diuitem illum epulo-
nem apud Lucā, in inferno flam-
mis intolerabilibus ardentem?
Non narrauit illud exemplum mi-
sericors & clementissimus Domi-
nus, q̄ ipse infelicis illius cruciatu
delectaretur: sed vt omnes diuites
admoneret, vt sibi caueant, ne per
similem diuitiarum abusum in
eadem tormenta incidant. Hoc
est quod & me mouet. Video pa-
lām, q̄ innumerabilis hominū tur-
ba secuta Lutherum in exitiū cor-
ruat. Horum interitus mihi dolet:
seruare eos ne pereant studeo. In-
iustissimū est hac ratiōe mihi suc-
censere. Nam dum ad exemplum
illius diuitis respicio, credo etiam
ipsum Lutherum mihi habere gra-
tias, quòd hæc indico hominibus:
quēadmodū diues ille petiit fratri-
bus

bus suis sua tormēta annūciari, ne
 in eadē inciderent:&cōsonat exē-
 plum quod ex massæo retuli de Hē-
 rico cōbusto. Quāobré definamus
 defendere vitā & doctrinā Luthe-
 ri: sed ad illud dispiciēdū potiūs cō-
 uertamur, quomodo sublatis ē
 medio illis venenatarum sagitta-
 rum pharetris, quas ille ad inferos
 descendens hīc reliquit, imperito-
 rum saluti consulamus: qui phare-
 tras illas cum illis veneno tinctis sa-
 gittis, in p̄sentissimū certissimūq;
 exitiū suum cōtrectant & versant.
 Queramus etiā ex pietate nostra re-
 media illis, qui vbique locorum
 tam multi sunt tam grauitē illis
 sagittis fauciati. Hoc nostri officii
 est, viri ac fratres mei in Christo
 Iesu charissimi, quibus Deus tan-
 tū iudicii dedit, vt collatis scriptu-

MATH. BREDENBACH.

ris, hæc tam inenarrabilia damna, quæ hostis ille crudelissimus dedit, videre & intelligere possi-

Ad princi-
pes Germa-
niæ,

mus. Quinetiam ad vos, ô nostræ dulcissimæ patriæ Germaniæ principes Illustrissimi, me iam conuerto, vestras Illustrissimas Celsitudines appello, & excito: expergiscimini tandem aliquando, euigilate, surgite, & leuate capita vestra: videte quomodo sitis decepti, quomodo seducti, quomodo ab homine omnium qui vnquam fuerût scelestissimo tra-

Quib⁹ in-
iurijs affe-
cerit,
principes
Lutherus.

ctati. Doleant vobis tandem aliquando illæ intolerabiles contumeliæ. Quid porrò contumeliosius est, quàm quod vos vniuersos, vnà cū inuictissimo, clementissimoq; Imperatore vestro, non erubuit, non est veritus, insimu-

lare

lare mendacii, comparare bullis
 aquarum, & lendibus capitis?
 Quid calamitosius, quàm quòd
 vos iam per quadraginta annos,
 in tam detestanda funestaq; dissi
 dia distractos, in tot tam cruenta
 praelia cômisit? nonnullos etiam
 vestrum in afflictissimas captiui
 tates? Quis illas vrbium agrorũq;
 vastationes, illas Ecclesiarum ac
 monasteriorũ sacrilegas direptio
 nes & euersiones, illas cædes, illas
 clades, illas principũ ac populorũ
 strages vel enarrare sufficiat, vel
 sine lachrymis audire sustineat?
 Atqui horum malorum omniũ
 ille vnus extitit author. Hęc quo
 modo perficeret illũ afsiduè me
 ditatum fuisse, ex multis eius ver
 bis apertissimè deprehēdi potest.
 Nónne imperito populo persua

MATH. BREDENBACH.

fit, Euangelium etiam velle diffidia, seditiones, & bella: impiè ad hoc suo more detorquens illud verbum domini, Nō veni pacē mittere, sed gladiū: cū dominus Iesus ipse verbum illud suum eodem loco interpretetur clarissimè, quòd nihil minus quàm de istiusmodi diffidiis & bellis voluerit illud intelligi: sed de pugna quæ est inter carnem & spiritum. Caro suis affectibus sepissimè vincit homines, vt in gratiam vel parentum, vel liberorum, vel vxorum, vel simili propinquitate coniunctorum, aut ea faciant, quæ aduersantur legi voluntati-que diuinæ: aut ea omittant, quæ Deo possent esse gratissima. His affectibus reluctatur spiritus. Quin etiam nos ipsos perniciosissima

Matt 10.
Euangelii
locus im-
piè à Lu-
thero ad
excitādū
dissidia de-
tortus, hic
autem ad
gēuinam
sententiā
reuocatus

lima

ſima *φιλαυτία* ſic amamus plerun-
que, vt ea quę nobis dulcia ſunt
cōſectemur: quę verò placita deo,
negligamus. Propterea dicit, Qui
amat patrem aut matrē plus quàm
me, nō eſt me dignus: & qui amat
filium aut filiam ſuper me, non eſt
me dignus: & qui non accipit cru-
cem ſuam & ſequitur me, non eſt
me dignus. Ecce, hic eſt ille gladi-
us, quem venit mittere in terram.
Nā alioqui in hoc venit, vt nos cū
Deo Patre ſuo, & inter nos mutuò
in ſumma pace, concordia, & cha-
ritate coniungeret, hoc nobis pro Ioan. 13.
ſymbolo commendans, per quod
oēs homines intellecturi ſint, nos
eius eſſe diſcipulos, ſi dilexerimus
nos mutuò: & beatos pronun- Matt. 9.
ciat pacificos, eoſdemq; filios Dei
appellat. Vnde per contrarium
mani-

manifestum fit, cuius discipuli ac filii sint illi, qui nihil aliud, quàm dissidia & bella quærunt. Christus apud Esaiã princeps pacis dicitur: dissidiorum autem & seditionum princeps diabolus est. Paulus Apostolus suos Philipenses obsecrat & obtestatur his verbis: Si qua ergo consolatio in Christo, si quod solatium charitatis, si qua societas spiritus, si qua viscera miserationis: implete gaudium meum, ut idem sapiatis, eandem charitatem habentes, vnanimes, id ipsum sentientes: nihil per contentionem, neque per inanem gloriam, sed in humilitate superiores sibi inuicem arbitrantur. Lutheri autem ubi de formula Missę scribit, hæc sunt verba, Si quo casu Concilium statueret pro nobis, minimè omniū vel-

le-

Esai. 9

Phil. 2
Pauli verba ad pacem hortantis.

Lutheri verba, ad dissidia classis cum canentis.

lemus utraque specie sacramen-
ti potiri. Imò tūc primū in de-
spectū Cōcilii uellemus, aut utra
tantum (sic habet codex quo ego
sum usus: suspicor Lutherum scri-
psisse, alterutra tantum: nam hāc
fuisse sententiam eius, manifestū
est) aut neutra, aut nequaquā utra
que potiri: ac planè eos anathe-
ma habere, quicunq; authoritate
Concilii potirentur utraq;. Hæc
Lutherus. Cum itaque Dominus
noster Iesus Christus sit princeps
pacis, & huius Apostolus tanto
animi feruore per obsecrationes
& obtestationes ea quę sunt pacis
& concordia quærat: Lutherus
autem adeò nihil aliud quàm dif-
fidia, ut huc etiam impiè detor-
queat ipsius Domini Iesu uerba:
quis dubitat cuius principis mi-
les,

Matth. II.

les, cuius potestatis legat^o & Apostolus fuerit Lutherus? Christi verbum est, tollite iugum meū super vos, & discite à me, quia mitis sum & humilis corde, & inuenietis requiē animabus vestris. Lutherus autem in omnibus tantam ferociam sceleratissimi animi sui spirauit ac declarauit, vt nulli potestati cederet, sed in omnes cuiuscunq; etiā ordinis ac dignitatis illi essent, cōtumax & contumeliosus fuerit: adeo vt palam etiam scriptis profiteretur, se velle esse cōtrariū omnibus: vt si Concilium statuatur hoc, tum se velle illud: sin autem Concilium statuatur illud, tū se velle hoc. Et adhuc dubitamus, vnde nobis hæc tam funesta dissidia, tam crudelia bella, tanta confusio rerū omnium, tam nulla animarum
 nostra-

nostrarum requies: sed ubiq; quocunque nos vertimus grauiſſimi labores, & dolores omnium acerbissimi? Neque verò est vlla spes, Qua ratione recuperanda pax. nos vnquã ab his malis liberatum iri, nisi vos ô serenissimi Reges, & Illustrissimi principes, hæc consideretis, hæc intelligatis, atq; sceleratissimum illum, cum vniuersa doctrina sua, à Deo iam olim condemnatum & perditum, è ditioribus & finibus vestris profligatis. Deus ipsum quidem gehennæ incendio præcipitem dedit: cæterum, quod ante mortem suam minari consuevit, vmbra eius adhuc grassatur: illi pestiferi libri in manibus imperitæ multitudinis sunt. Hæ sunt illæ pharetræ, de quibus dixi, grauidæ sagittis hydræ felle tinctis: quas dū imperiti

per

MAHT. BREDENBACH.

per imprudētiam cōtrectant, exē
plo Pholi & Philoctetæ, semet-
ipfos incautè & lethaliter uulne-
rant. Hoc itaque uestri officii est,
has pharetras undique conquisi-
tas dare incendio. Neque uerò
moueat uos, quòd interdum piè
sanctèque loqui uidetur. Hæ sunt
artes diaboli, hæ sunt illius scele-
sti inescationes. Nónne hac arte
Sinon ille Vergilianus prodidit
Troiam? Talia enim non sunt à
priscis illis, antiquis, & sapientif-
simis poëtis sine magnis sapien-
tię mysteriis cōficta. Nónne ipse
etiam Diabolus aliquando con-
fessus est Christum, dicens, Scio
quòd sis sanctus Dei? Quid au-
tem cōtrà Christus? Obmutescē,
inquit, & exi de homine. Nón-
ne in Actis Apostolorum de pu-
ella,

Princi-
pum offi-
cium.

Artes dia-
boli uitā
dē.

Marc. i

Act. 16

ella, quæ habebat spiritum Pytho-
 nis legimus, quòd secuta paulum,
 & eos quos is habuit secum, nomi-
 natim Silam, clamauerit, dicens:
 Isti homines serui dei excelsi sunt,
 qui annuntiât vobis viam salutis.
 Quid autem Paulus? num liben-
 ter accepit hoc testimonium veri-
 tatis ab illo maligno spiritu? Do-
 lens autem Paulus (inquit Lucas)
 & conuersus, spiritui dixit: Præci-
 pio tibi in nomine Iesu Christi ex-
 ire ab ea. Et exiit eadem hora. Nō
 est audiendus Diabolus, neq; A-
 postoli eius hæretici, etiamsi vera
 loquantur. Nunquam enim hoc
 faciunt, nisi dolo pessimo, ad inef-
 candum imperitos, vt capiant eos.
 Theologorum quidem officium
 est, tales lupos indagare & indica-
 re. Episcoporum autem & princi-

Theolo-
 gorum of-
 ficiū.
 Episco-
 ru & prin-
 cipum of-
 ficiū.

M

pum,

MATH. BREDENBACH.

pum, eos censuris suis, pedis pastoralibus, nec non gladiis in hoc ipsum diuinitus datis, ab ouilibus arcere & prohibere. Quod nisi fecerint, Christus sanguinem gregis sui à manibus illorū requiret. Nulla ratione ferendi sunt, neque libri eorum vt à populo imperito legantur, neque ipsi in Ecclesiis, vt doceant. Est quidem hodie pro dolor maxima bonorum pastorum inopia. Attamen nullo modo ferendi sunt in Ecclesiis, quorum doctrina deprehensa est impura. Multò enim melius est etiam sine pastoribus errare oues, quàm pro pastoribus habere lupos. Quòd si Dominus DEVS hanc gratiam dederit, vt Episcopi & principes, dolo Diaboli principio per martinum Lutherū, deinde etiam

etiā p̄ alios pseudoprophetas, à Lu-
thero excitatos, in tam atrociam dif-
fidia distracti, rursus in concordia,
pacē, & mutuam charitatem con-
ueniant, vt se mutuis officiis, tanq̃
fideles vnius Domini ac Dei ser-
ui, ad faciendum voluntatem do-
mini sui, & absentis domum bene
gubernandū, & pro custodia eius
fideliter vigilandum & excuban-
dum, donec ipse reuertatur à nu-
ptiis, sedulò adiuuent, iam sta-
tim omnia, sœuissima hac & ni-
mium calamitosa tempestate va-
stata, foelicissimè refluoruerint.

Plurimum momenti est in repur-
gandis scholis. Nam hæ sunt ve-
luti fontes, è quibus omnia vel
bona vel mala promanant. Et
quòd Ecclesiæ passim aut nul-
los habent pastores, aut pro pa-

De scholis

storibus lupos, hoc inde potissimum accidit, quòd hac horum disfidiorum tempestate iuventus in plerisque scholis pestiferis illis opinionibus vitiata est & p̄dita. Vnaquæque schola suum habet catechismum, suam grammaticam, suam dialecticam. Serenissimus Romanorum, Hungariæ, Bohemiæ, &c. rex, & Ecclesiæ Catholicæ fortissimus propugnator, Ferdinandus, superioribus annis fecit publicari catechismum, continentem summam doctrinæ Christianæ. Utinam ita inter illius Serenissimæ Maiestatem, & omnes sacri Imperii principes Illustrissimos cõueniat, vt per totum Imperium ille Catechismus, & nullus alius prælegatur iuuentuti: nisi quòd in inferioribus illis & minutioribus scholis,

scholis, necnon in inferioribus
classibus maiorum scholarum, vi-
detur utile fore, ut pauciora quæ-
dam, & breuiora huius doctrinæ
rudimenta, quorum illi puelli sint
capaces, ex eodem illo catechismo
extracta, illis prælegantur: proue-
ctioribus autem, catechismus to-
tus. Nequaquam quod cæteros
catechismos omnes damnē: (sunt
nonnulli inter eos etiam valde pii
& commodi.) sed ut inter nos om-
nes doctrinæ concordia sit: qua
neque deo quicquam gratius, ne-
que nobis qui docemus honesti-
us, neque pueris quos docemus v-
tilius, neque ad ædificationem Ec-
clesiæ efficacius fuerit. Et exclude-
retur hac ratione occasio, tenellis
illis corruptæ doctrinæ venena in-
stillandi: unde incredibile dictu

est, quantum malorum in Ecclesiam redundet. Effet etiam illud valde vtile iuuentuti, vt eligeretur è tam multis quæ nunc extant grammaticis vna, quæ videretur purissima & compendiosissima, & ediceretur nobis ludimagistris omnibus etiam sub poena, vt non aliam quàm illam grammaticam prælegeremus. Remoratur enim pueros valde, quando ex vna schola, vt fit, in aliam transeunt, quòd ibi coguntur grammaticam ex alio scriptore eius, quàm ex quo cœperunt, perdiscere. In Dialectica non est tam graue incommodum. Sed hæc obiter inserui. Quod autem ad recuperandum Ecclesiæ pacem attinet, nequaquam satis est, Sacramentarios & Anabaptistas vel

ad

Non min⁹
Lutheri, q̃
sacramen-
tariorū &
Anabapti-
starū secta
est extir-
panda, ut
fiat pax.

ad resipiscendum inducere, aut etiam cogere, vel si nolint resipiscere, abigere in exilium, aliterue secundum leges punire: sed non minus necessarium est hoc ipsum de Lutheri doctrina, & illis qui hanc defendunt, fieri. Nam is primus extitit author totius schismatis. Non ita multum refert quam sequaris hæresim, modò sis hæreticus. Ecclesia Dei Catholica vna est, sponsa Christi, mater omnium viuentium. Quicunque ab hac deficiunt, illi incidunt in laqueum Diaboli, & mortem, quamcunq; etiam sectam sequantur. Ecclesiæ Dei vna est fides, v- ^{Ecclesia} num baptisma, eadem per omnia sacramenta, vnus præterea totius domus Oeconomus, quæ reliqua ^{sunt} familia tota respicit. Cuius ele- ^{uifer.}

M 4 cio nem

ctionem quidem inferioribus sacerdotibus bonis, ac spiritualibus populis concessit Deus: eiectionem verò sibi reseruauit, authore Anacleto epistola secunda. Quod si is malus esse incipiat, certè nostris conuitiis & cõtumeliis nunquam fiet bonus. Cùm itaq; iuxta hanc diui Anacleti, & illam quam in libro de componendis dissidiis adduximus diui Bernardi sententiam, necessariò sit tolerandus, equidẽ nullum video remedium præsentius, quàm vt præcemur Dominum Deum, vt is vel hunc emendet, vel huic remoto meliorem sufficiat, vel pro sua diuina sapientia & bonitate, id quod nouit esse utilissimum ad suam gloriam, & ædificationem Ecclesiæ suæ, faciat. Nam sæpè fit, vt Deus pro sua

inscri-

Quo reme
dio vt edũ
aduersus
malum Põ
tificem.

inscrutabili sapientia ac bonitate salutem nostram operetur etiā per ea, quæ nobis displicent maximè, & sunt acerbissima, & quantum in ipsis est etiā pessima. Cuius rei non potest esse clarius exemplum, quàm illud pōtificum Iudaicorum, & cæterorum, qui crucifixerunt Christum: quemadmodum in libello de componendis dissidiis ostendimus. Sūmus pōtifex nunc cū grauissimo nostro omnium dolore belligeratur: idq; aduersus eos, qui tanta pro Ecclesia Dei gesserunt. Quis intelligit huius tam grauis & perniciosi belli mysteriū & causas? An verò nos propterea deficimus ab Ecclesia, & nouas condemus sectas? Absit: sed potius precibus nostris, & quibuscunque

M 5 possu-

possumus religionis ac pietatis
officiis confugiemus ad Dominū
Deum, hunc deprecantes, vt pro
sua diuina clementia & misericor-
dia respiciat populum suum: vt &
huic ipsi spiritum modestiæ, man-
suetudinis, & obedientiæ: illis ve-
rò, quos huic dedit rectores atque
pastores, spiritum sapientiæ, pacis,
& omnis iustitiæ, largiatur. Nam
ego semper vereor Deum iratum
superbiæ, contumaciæ, cæterisque
peccatis nostris, velle per bella eo-
rum, qui nos in pace regere debe-
bant, peccata nostra punire. Qua-
re primus ingressus ad quærendū
pacē mihi videtur, vt vnusquisq;
nostrū in sese descēdat, & ad regu-
lam mandatorum Dei, quæ nec
obscura sunt, nec difficilia, suam
ipsius vitam in meli⁹ cōponat. de-
inde

Prim⁹ in-
gressus ad
quæren-
dum pacē

inde vt Episcopi & principes sacri Imperii, Dei & Serenissimi Regis Ferdinandi sanctissimę voluntati, atque adeo pio desiderio se submittentes, & memoria reuoluentes & expendentes, quę nostra Germania, necnon regna & prouincię nobis vicinæ, per nostrorũ malorum contagionem, iam in quadragesimum vsq; annum sint passæ, & adhuc patiamur omnes: & nisi Deus nos singulari aliqua misericordia respiciat, atrociora etiam metuamus: & cogitent, qui authores, per quod genus doctrinæ nobis hanc tam horrendam tempestatē excitauerint, vt hoc genus doctrinæ vnanimiter cõdemnēt, & in totũ aboleant. Hoīes aut q̃ adhuc sup̃sunt, ab eius doctrinę cõtagio infecti, quātũ fieri potest, sanare

sanare studeant. Quos autem deprehenderit insanabiles, hos tanquàm lepra aut peste laborantes, non patiantur versari in populo sano. Porro abusus, qui proh dolor nimis multi sunt & enormes, & præsentem emendationem flagitat, ex illorum virorum consiliis, de quorum doctrinæ, fidei, & vitæ integritate constat, iuxta scripturas diuinas, & eos canones, quos iam habet Ecclesia, quātum ipsis possibile est, corrigant & emendent. Atq; interea Dominum Deum assiduīs & ardentibus precibus deprecemur omnes, vt tandem aliquando funebribus illis & crudelibus bellis inter vtriusque ordinis monarchas summos compositis, generale Concilium nobis

lar-

largiatur, in quo omnia componantur optimè.

Opinor, viri ac fratres in Domino Deo mihi charissimi, satis multas me, graues, atque firmas rationes reddidisse, cur in libello meo de componendis dissidiis scripserim, Martinum Lutherum iam ardere apud inferos. Quibus rationibus inductus, in huius Apologiæ fine denudò dixi meam de componendis hisce dissidiis sententiam.

Qua si quis habet meliorem, aut aliquid quod hanc ipsam confirmet, id proferat, ad gloriam omnipotentis Dei, ædificationem & pacem Ecclesiæ, matris nostræ, ac nostram omnium salutem. Quod superest, viri ac
fra-

MATH. BREDENBACH.

fratres, Pax Dei, quæ exuperat
omnem sensum, custodiat cor-
da nostra & intelligentias
nostras, in Christo Iesu

Domino nostro

Amen.

FINIS.





